


OKUHEZA EISHOMO
RY'OKWEGYESEBWA
OKUBURIRA ENGIRI

EIDARA 1



**Andrew Wommack
and Don Krow**

**Andrew Wommack Ministries
Woodland Park, Colorado**



Shana habaho okundi kumanyisibwa kwonka ebyahandikirwe byona ebirikwejunisibwa
nibiruga omuri Baiburi Erikwera Runyankore-Rukiga ahabwokwenda ngu abantu
boona babyetegyereze.

© 2024 by Andrew Wommack Ministries, Inc

Andrew Wommack Ministries, Inc.
PO Box 3333
Colorado Springs 80934-3333
www.awmi.net

Andrew Wommack Ministries – Europe
PO Box 4392,
Walsall,
WS1 9AR,
England
www.awme.net

ISBN: 978-1-948876-36-0
Item Code RY417

Noyikirizibwa okwihamu ebindi bicweka ebirikushushana nabyo
ningashi okabikanyisa ahabwe'bigyendererwa byo'kwegyesibwa kwonka ahansi
ye'kiragiro ekirikugira ngu nibigabirwa busha.



- Oze aha https://www.awmi.net/about-us/demo/download_pdfs ezabur'ishomo omuri oku okuhaburwa.
- Ogabaneho nabandi obutumwa obu omubwingi koku'orukwenda
- Ebihandiiko ebi tibyokugarika kutunda.

OKUHEZA EISHOMO
RY'OKWEGYESEBWA
OKUBURIRA ENGIRI



EIDARA 1

Contents

1.	AMAGARA AGATAHWAHO	1 - 7
2.	EMBABAZI ZE NIZO ZITUJUNA	1-11
3.	OKUHIKIRIRA KWA RUHANGA AHABW'EMBABAZI	1-17
4.	OMUKAGO NA RUHANGA	1-21
5.	OBUHANGWA BWA RUHANGA	1-26
6.	OKWETEISA	1-31
7.	OKW'EHAYO	1-38
8.	OKUBATIZIBWA OMUMAIZI	1-43
9.	ENSHUSHA Y'OMUNTU OMURI KRISTO - EKICWEKA 1	1-48
10.	ENSHUSHA Y'OMUNTU OMURI KRISTO - EKICWEKA 2	1-54
11.	NENKI EKIRIKUBAHO OMUKRISTAYO KWARIKUSHISHA	1-59
12.	OBWESIGWA BW'E KIGAMBO KYA RUHANGA	1-64
13.	RUHANGA TAINA MUSHANGO	1-69
14.	AMAGARA G'OMUNTU AIJWIIRE AMAANI G'OMWOYO	1-74
15.	OKWORIKUBASA KWIJURA OMWOYO ORIKWERA	1-79
16.	EMIGASHO ERI OMUKUGAMBA ENDIIMI	1-84

EISHOMO 1

AMAGARA AGATAHWAHO

Nebya Andrew Wommack

Gumwe aha mishororongo ogu buri omwe arikumanya omubyahandikiirwe ni Yohaana 3:16. Nikirebeka buri muntu naamanya omushororongo ogu kuruga omubuto kwonka ninyikiriza tigwetegyezibwa kandi gukozesibwe kubi. Yohaana 3:16 nagira ati *“Ahakuba oku nikwo Ruhanga yaakunzire atyo ensi, akahayo Omwana we omwe nyamunegyere, ngu omuntu weena orikumwikiriza arekye kuhwerekyerera, kureka atungye amagara agatahwaho.”*

Tukakimanyiira, oku ekyahadikiirwe eki kyegyesibwa obutosha ngu Yesu akaija yatufeera ahabwa ebibi byaitu, tutakahwerekyerera. Nekya amazima nikwo kiri, omushororongo ogu nigugira ngu ekigyendrererwa ahabwaki Yesu yaizire omu nsi kandi akatufera kikaba kiri ngu tutungye amagara agatahwaho. Eki kikabaho ahabwokuba ebibi byaitu bikaba bitutanise n'amagara agatahwaho.

Neky'amazima Yesu akafa ahabwa ebibi byaitu, kandi n'amazima ngu kuturikwikiriza Yesu, titurikwija kuhwerekyerera, kwonka engiri harimu byingi kukira aha kusasirwa ebibi. Obutumwa obuhikire oburi omu ngiri buri ngu Ruhanga nayenda kukuha amagara agatahwaho. Hati reka nkishobororeho gye.

Ekiro ekyakuratiire ekibamubambireho, Yesu akaba nashaba, kandi yagira ati, *“Aga nigo magara agatahwaho, okumanya iwe Ruhanga omwe ow'amazima, n'Ogwo ou waatumire, Yesu Kristo,”* Yohaana 17:3

Eki nikimanyisa ngu amagara agatahwaho n'okumanya Tata-Itwe, Ruhanga omwe owamazima n'okumanya Yesu Kristo ogwo ou yatumire. Ago nigo magara agatahwaho. Abantu baingi nibatekateka ngu amagara agatahwaho nokugumaho ebiro byona. Kare, buri muntu owahangirwe nagumaho ebiro byona. Tiki hikire kutekateka ngu omuntu kwari kufa akaziikwa aba yakomaho. Omwoyo n'amagara bigaruka owa Ruhanga. Omubiri gujundira omu kituro. Amazima gari ngu buri weena arabireho omu nsi omu, naija kugumaho kumara ebiro byona ari omwoyo. Nahabwekyo kugira ngu amagara agatahwaho n'okugumaho ebiro byona tigari mazima agijwire agahwireyo — buri muntu nagumaho kumara ebiro byona. Omushorongo ogu nigukyoreka kurungi ngu amagara agatahwaho tigarikuheebwa buri omwe.

Abantu abamwe ninabaasa kugira ngu, *“Amagara agatahwaho n'okutuura omw'iguru ebiro byona nari okutuura omuri gehena ebiro byona,”* Kwonka amagara agatahwaho neki Yesu yagambire omuri Yohaana 17:3 okumanya Ruhanga na Yesu Kristo. Eki nikikiraho aha kumanya okw'obwegyese. Ekigambo eki **“OKUMANYA”** nikikozesibwa omu byahandiikirwe okushoborora enkwatanisa ey'omukago eyorikuba oyine n'ondijo.

Omugasho gw'okujunwa buzima tikuza kutuura omw'iguru ebiro byona ekyo nakyo n'obukirabe kiri ekyomuhendo. Omugasho ogw'okujunwa ogurikukirayo n'okugira omukago gwawe na Mukama Ruhanga. Hariho abantu baingi abarikutakira Ruhanga ngu abasasire ebibi byabo kwonka tibakagirahoga mukago na Ruhanga kuba ekigyendererwa kyabo.

Twaba tutashoborore abantu ekigyendererwa ky'okujunwa nituba twahindura engiri ekindi kintu ekitaine mugasho. Kuturikworeka abantu ngu okujunwa nikukwata ahabya omwoyo byonka ebirije kubagasha omubiro ebyomumaisho baheza kuruga omu magara ag'ensi egi, nituba tutabayambire. Hariyo abantu abarikutuura omuri gehena ey'ensi omu nsi egi. Baingi beine obujune, nibatuura omu bworo baine rwango, eitima, obusasi, okubura obusingye okwangwa, obushwere abandi buremire. Abantu nibagyezaho kwebisaho. Nibagyezaho kureeba oku baraba omu izooba aha rindi, nibahanda bunaku. Kworikugambira abantu ngu okujunwa nikukwata aha bintu ebyomumaisho, abantu abaingi baza omubyabo okujunwa baremwa kukwetaho ahabwa emirimo eyibaine kukora kwebisaho kureeba ngu eizooba ryarenga.

Amazima gari ngu Yesu taraizire ngu tukire kuza omu gehena kyonka rero tuze kuutura omu iguru omu mugisha gwe omu mwanya gwokufubirwa kandi n'omukyeeno gwa gehena, kwonka Yesu akaija ngu atujune omu busingye obubi oburiho (Abagalatia 1:4) Yesu akaija kukugarura omu mukago na Ruhanga Ishe-itwe.

Yesu akaija kukugarura haihi ngu ogire omukago murungi na Ruhanga. Yesu nakukunda kandi nayenda ngu akimanye iwe nka munywani we. Yesu nayenda kukuhereza amagara marungi agarikukira enkintu kyona ogotarikubasa kwiha ahandi.

Yesu akagira ati omuri Yohaana 10:10, *“Omushuma [nagamba ahari Sitane] tareetwa kindi kureka okwiba n'okwita n'okucwekyereza; nyowe nkaija ngu zigire amagara, kandi ngu zigire maingi munonga,”* Ruhanga nayenda kukuha amagara agatahwaho. Ruhanga nayenda kukuha amagara amaingi, kandi ninyikiriza ngu okwetenga. Nogetenga er'izooba — kandi nigo orikwetaga. Yesu tarafiire ngu ebibi byawe byonka bibe nibyo byasasirwa, kwonka ngu akwirize haihi nawe. Kworabe otarikumumanya nka Mukama, oshemereire omumanye ahabwa ekyo. Kworabe orajunirwe, oshemereire kweyongyerayo okukira aha kusasirwa ebibi byawe kwonka kandi otaahe omu magara agatahwaho na Tata-itwe.

AMAZIMA AGARIKUKWATA AHA'MAGARA AGATAHWAHO

- A. Ekigyendererwa ky'engiri n'amagara agatahwaho.(Yohaana3:16).
- B. Amagara agatahwaho n'okumanya Ruhanga. (Yohaana 17:3).
- C. Okumanya Ruhanga n'omukago na Ruhanga. (1 Abakorinso 6:16-17)
- D. Amagara agatahwaho gariho hati. (1 Yohaana 5:12)
- E. Ruhanga nayenda omukago naiwe nk'omuntu. (Okushuuruurwa 3:20)

EBIBUZO BY'ABEEGI

1. Shoma Yohaana 3:16. Ekigyendererwa kya Ruhanga kwohereza Yesu omu nsi kikaba kiri kiha?

Yohaana 3:16 *“Ahakuba oku nikwo Ruhanga yaakunzire atyo ensi, akahayo Omwana we omwe nyamunegyere, ngu omuntu weena orikumwikiriza arekye kuhwerekyerera, kureka atungye amagara agatahwaho,”*

2. Baiburi nekozesa ekigambo “okumanya”nikimanyisa kugira omukago murungi egw’obumwe n’ondijo omuntu. (Okutandika 4:1). Shoma Yohaana 17:3. Okurugirira aha mushororongo ogu amagara agatahwaho nikyo ki?

Okutandika 4:1 *“Bwanyima Adamu yaamanya Haawa omukazi we, yaagira enda, yaazara Kaini; yaagira ati: Ntungire omwana w’omwojo ahabw’okuhwerwa MUKAMA,”*

Yohaana 17:3 *“Aga nigo magara agatahwaho, okumanya iwe Ruhanga omwe ow’amazima, n’Ogwo ou waatumire, Yesu Kristo,”*

3. Shoma 1 Yohaana 5:11-12, Okurugirira aha mishororongo egi amagara agatahwaho nigatandika ryari?

1 Yohaana 5:11-12 *“Kandi oku nikwo kuhamya okwo, ngu Ruhanga akatuha amagara agatahwaho, kandi amagara ago gari omu Mwana we. Omuntu oine ogwo Mwana niwe aine amagara; otaine Mwana wa Ruhanga taine magara,”*

4. Shoma Yohaana 10:10. Nimagara ki Yesu aguyaizire kutuha?

Yohaana 10:10 *“Omushuma tareetwa kindi kureka okwiba n’okwita n’okucwekyereza; nyowe nkaija ngu zigire amagara, kandi ngu zigire maingi munonga,”*

5. Shoboorora omu bigambo byawe ebirungi ebiri omu magara maingi aga?
6. Noikiriza ngu Ruhanga akohereza Yesu omunsi kufeera ebibi by’ensi, arikuheereza itwe abarikumwikiriza amagara agatahwaho?
7. Noyetegyereza ngu amagara agatahwaho ti bwire buraingwa kureka n’amagara marungi kandi maingi?

OKUGARUKAMU EBIBUZO

1. Shoma Yohaana 3:16. Ekigyendererwa kya Ruhanga kwohereza Yesu omu nsi kikaba kiri kiha?
Kujuna ensi arikuha boona abarikwikiriza Yesu amagara agatahwaho arikubihaho orubanja orw' ekibi.
2. Baiburi nekozesa ekigambo "okumanya" nikimanyisa kugira enkolagana nungi ey'obumwe n'ondijo omuntu. (Kutandika 4:1). Shoma Yohaana 17:3. Okurugirira aha mushororongo ogu amagara agatahwaho nikyo ki?
Amagara agatahwaho n'okumanya Ruhanga ow'amazima na Yesu Kristo.
3. Shoma 1 Yohaana 5:11-12, Okurugirira aha mishororongo egi amagara agatahwaho nigatandika ryari?
Twaheza kwikiriza omwana (Yesu Kristo) omu magara gaitu.
4. Shoma Yohaana 10:10. Nimagara ki Yesu aguyaizire kutuha?
Amagara maingi munonga.
5. Shoboorora omu bigambo byawe ebirungi ebiri magara maingi aga?
Amagara maingi aga tikwita, tikwiba, tikucwekyereza.
6. Noikiriza ngu Ruhanga akohereza Yesu omunsi kufeera ebibi by'ensi, arikuhereza itwe abarikumwikiriza amagara agatahwaho?
Eego.
7. Noyetegereza ngu amagara agatahwaho ti bwire buraingwa kwonka kureka n'amagara marungi kandi maingi?
Eego

EISHOMO 2

EMBABAZI ZE NIZO ZITUJUNA

Nebya Don Krow

Emirundi mingi Yesu akaba akozesa enfumu nka ebitebyo, kutwegyesa amazima geby'Omwoyo. Luka 18:9-14 netandika eti, *“Kandi yaacwera enfumu egi abantu bamwe abaabaire nibeemanya ngu bahikiriire, haza nibagaya abandi,”* Yesu akaba nagambira ababaire nibesiga ngu baine okuhikiriira kandi barikugaya, nibarabyamu abandi bantu amaisho. Efumu egi akaba nagicwera abantu ababaire barikwesiga ebibabaire nibakora. Abo nibo turikweta abarikwemanya ngu bahikiriire, ekyo nikyo Yesu yabaire nagambaho obu yagira ngu nibagaya abandi boona barikugira, *“Nyowe ndi kurungi kukukira!”*

Omu mushororongo ogwa 10, Yesu nagira ati, *“Abantu babiri bakainamuka omuri hekalu kushaba, omwe akaba ari Omufarisaayo n'ondiijo ari omuhooza,”* Tukagambire omu ngamba eyobwire obu ngu bagyenda omu kanisa kushaba, kadi omwe akaba ari Omufarisaayo. Omufarisaayo akaba ari omunyadiini munonga. Amakuru g'ekigambo omufarisaayo nikimanyisa, *“omwahure,”* omuntu owabaire ari omunyadiini omumuringo gwokuhikiriira atarikwenda abandi bantu kumuhikaho arikugira abandi ati *“Otampikaho okanshisha! Tindi nka abantu abandi ndi murungi kukira abantu boona!”* Ondiijo omushaija Yesu owuyagambireho akaba ari omuhooza. Abahooza bakaba bari abakushoroza emishoro kandi bakaba nibamanywa kuba bari babi, abasiisi kandi batari besigwa. Bakaba bashoroza emishoro barikukozesa obukodyo bwona, barikushereka esente nyingi omubishaho byabo, kandi bahaho ab'obushoborozi Abarooma, nahabwekyo bakaba bagaywa batahi baabo ahabwokurya ebituga.

Enfumu egi negumizamu omu mushororongo ogwa 11, *“Omufarisaayo yaayemerera wenka, yaashaba ati; Ruhanga, ninkusiima, ahakuba tindi nk'abantu abandi, abanyagi, abatahikiriire, abashambani, nari nk'omuhooza oriya,”* Ninyenda ngu oyetegyerere eki. Akaba nashaba ahari oha? Omu mazima akaba nayehimbisa we wenka nobu yabaire nageitamumu ekigambo *“Ruhanga”* kandi arikukozesa ebigambo ebihikire. Ruhanga akaba atarikufayo aha shara ye, kandi nitwija kureba omumaisho okwe ahabwaki kikaba kiri kityo. Oyetegyerere oku yabaire nashaba, *“Ruhanga ninkusiima tindi nka abandi bantu”* Omufarisaayo ogu omunyadiini, akagira ati, *“Tindi nk'abantu abandi, abanyagi, abatahikiriire ., abashambani, nari nk'omuhooza oriya, Nokireeba, akaba nagaaya kandi arikurabyamu abantu abandi amaisho ahabwokuba akaba natekateka ngu we ari murungi kukira abandi bantu.”*

Omu mushororongo gwa 12, Omufarisaayo naagira ati, *“Nyesiibyakwo kabiri omu sabiiti, mpeereza kimwe kya ikumi kya byona ebi ntunga,”* Akaba nagira ati, *“Noreeba ebindikukora?”* Nomanya okusiiba ekikirikumanyisa? Nikimanyisa okusiiba otarire ebyokurya. Akaba ahayo esente omu kanisa. Akaba ari omuri abo abarikugira bati, *“Otakanteganisa! Nintura n'amagara marungi! Nimpayo sente aha bakyene, kandi mpayo sente omu kanisa!”*

Omu gwa 13 omuhooza nagira ati. *“Kwonka omuhooza yaayemerera hangahari nangwa*

tiyaayenda nokwinamura amaishoge kureeba ahaiguru, kwonka yaayeteratera omukifuba, naagira ati: Ruhanga, onsaasire nyowe omusiisi!” Yetegyereza orurimi rw’omubiri gwe: “yaayemerera hangahari,” Taratahire na munda omu kanisa. Akaba ayine enshoni ahabw’amagara ge kandi n’ebintu ebanyakozire yaayemerera hangahari atarikubaasa kureeba naheiguru, atarikwimusya n’amaisho yaguma ayeyinamirire, kwonka yaayeteerateera omu kifuba. Omuri Baiburi omu kitabo ekyendaagano eya ira kwerikugamba kweetera omu kifuba, emirundi emingi bakaba bataagura ebijwaro byabo, nigwo gwabaire guri omuringo gwokugamba ngu, “Gwansinga, Ruhanga onsaasire ahabw’ekyo ekinakora!” Kakaba kari akamanyiso kokweteisa, omutima oguhendekire, ogweteisiize kimwe, Ogwo Ruhanga tarikugugaya. Omuhooza ogu, owabaire ari omusiisi akatakira Ruhanga kandi yashaba, “Ruhanga ongirire embabazi ndi omusiisi!”

Ogwa 14 nigugira ngu, “*omushaija ogwo akashuuma, yaagaruka owe aihirweho orubanja kukira oriya; ahakuba weena orikwetunguura aryagarurwa ahansi; kandi arikwegarura ahansi, aryatunguura,*” Omuhooza akagarukayo aihirweho orubanja ahindukire Ohikiriireomu maisho ga Ruhanga, asasiirwe. Ahabwaki omushaija ogu yagarukireyo owe ataine rubanja akaheebwa okuhikiriira omu maisho ga Ruhanga kwonka atari omufarisaayo? Ahabwokuba omufarisaayo akehimbisa yayetungura arikugamba ati, “Nyowe ndi murungi kukira abantu abandi! Tindi musisi! Tindi nkabandi bantu,” kwonka omuhooza akamanyanya ngu tahikiriire . omu maisho ga Ruhanga, tihaine ekiyabaire nabaasa kumuha. Akaba ari omusiisi. Baiburi n’egira ngu Yesu tarizire kujuna abahikiriire . kureka abasiisi, kandi twena tukashisha twaruga omu kitinisa kya Ruhanga. Omuhooza akecureza yabona okusasirwa ebibi bye.

Nitugamba aha kujunwa ahabwa embabazi. Embabazi n’ekigambo kirungi, ekirikutangaaza. Kankuhe amakuru agarikwikirizibwa agakushoborora ekigambo eki, kwonka nikimanyisa byingi okukiraho. Omu rurimi oru grika oru endagaano ensya yahandiikirwemu, embabazi nikyo kigambo **charis**. Enshoborora y’ekigambo erikwikirizibwa niyo egi; embabazi okwendeza gye bwa Ruhanga aha bantu obu tutashemereire (obututakoreire) Ruhanga obwakuha abantu batabushemereire. Omuhooza akaba atashamereire ekintu kyona kuruga ahari Ruhanga kwonka akatunga obuganzi kuruga ahari Ruhanga ahabwokuba ak’egarura ahansi. Nikimanyisa ngu embabazi za Ruhanga aha mushaija ogu omuhooza kine omuringo ogukyatairwe omu nkora erikurebuka, kandi omuhooza ogu akaihwaho orubanja, yatunga okuhikiriira nka ekiconco omu maisho ga Ruhanga.

Abarooma 5:17 negira eti, “*Ekicumuro ky’omuntu omwe ku kiraabe kyareeteire rufu okwema ahabw’ogwo, okukira munonga abaakiira ezo embabazi nyingi munonga n’ekiconco ky’okuhikiirira, baryayemekwa omu magara masya ahabw’omwe niwe Yesu Kristo?*” Ruhanga natuhereza iwe nanye okuhikiirira omu maisho gye nka ekiconco kandi, okurugirira aha enfumu, omuhooza akatunga ekiconco eky’okwihwaho ekibi, ekiconco ekyo eky’okuhikiirira ekirikwija ahabwa Yesu Kristo. omuri Yohaana 1:17 nihagira hati “*Ahakuba Ebiragiyo bikareetwa Musa; embabazi n’amazima byo byareetwa Yesu Kristo.*” Embabazi niziheebwa ekika ky’omuntu omwe - abo abarikwecureza kandi bakamanyanya ngu tibahikiriire omu maisho ga Ruhanga, bakataka kutunga embabazi za Ruhanga. Abantu abo nibaija kutunga embabazi n’okusasirwa kuruga ahari Ruhanga.

EBIBUZO EBY'ABEEGI

1. Shoma Luka 18:9. Enfumu niki?

Luka 18:9 *“Kandi yaacwera enfumu egi abantu bamwe abaabaire nibeemanya ngu bahikiriire, haza nibagaya abandi,”*

2. Shoma Luka 18:9 Omunfumu egi Yesu akaba nagyorekyereza omuri bahi?
3. Shoma Luka 18:9 (ekicweka ekikushembayo aha mushororongo ogu). Abantu abarikwemanya ngu bahikiriire . haine okubakwetwara ahabandi bantu. Okurugirira omu Luka 18:9, nibetwara bata?

- A. Nibakuunda batahi baabo.
- B. Nibagaya abandi.
- C. Nibakunda abandi.

4. Shoma Luka 18:10. Abantu babiri bakaza kushaba; omu ngamba eyeriigyenda bakaza kushaba nkahi?

Luka 18:10 *“Ati: Abantu babiri bakainamuka omuri hekalu kushaba, omwe akaba ari Omufarisaayo n'ondiiyo ari omuhooza,”*

5. Shoma Luka 18:10. Abantu aba bakaba bari bahi?
6. Shoma Luka 18:11. Ni shara ki ey' Omufarisaayo yashabire?

Luka 18:11 *“Omufarisaayoyaayemerera wenka, yaashaba ati: Ruhanga, ninkusiima, ahakuba tindi nk'abantu abandi, abanyagi, abatahikiriire, abashambani, nari nk'omuhooza oriya,”*

7. Shoma Luka 18:12. Okusiiba nikimanyisa ki?

Luka 18:12 *“Nyesiibyakwo kabiri omu saabiiti, mpeereza kimwe kya ikumi kya byona ebi ntunga,”*

8. Shoma Luka 18:12. Okuha ekimwe ekikumi nikimanyisa ki
9. Shoma Luka 18:13. omuhooza akaba ayemereire nkahi...? Ahabwaki?

Luka 18:13 *“Kwonka omuhooza yaayemerera hangahari, nangwa tiyaayenda n'okwinamura amaisho ge kureeba ahaiguru, kwonka yaayeteerateera omu kifuba, naagira ati: Ruhanga, onsaasire nyowe omusiisi!”*

10. Shoma Luka 18:13. Ahabwaki omuhooza yainikire omutwe atakubaasa kwinamura amaisho?

11. Shoma Luka 18:13. Eshara y'omuhooza ekaba eri eha?
12. Shoma Luka 18:14. Ahabashaija aba bombi, noha Owarangirirweho okuhikiriira omu maisho ga Ruhanga.

Luka 18:14 *“Nimbagambira nti: Omushaija ogwo akashuuma, yaagaruka owe aihirweho orubanja okukira ori; ahakuba weena orikwetunguura aryagarurwa ahansi; kandi orikwegarura ahansi, aryatunguurwa.*

13. Shoma Luka 18:14. Ahabwaki omuhooza yarangirirwe kuba Ohikiriirekwonka atari omufarisaayo?
14. Shoma Luke 18:14. Ruhanga akasasira omuhooza ogu?
15. Shoma Abarooma 10:13. Obwahati kuwakuteka amaju okatakira Ruhanga oyihire ahamutima “Ruhanga ngirira embabazi nyowe omusiisi”

Abarooma 10:13 *“Ahabw'okuba omuntu weena oritakira eiziina rya Mukama aryajunwa,”*

1 Yohaana 1:8-9 *“Ku tugira ngu titwine kibi, tuba nitwebeiha, kandi tuba tutaine mazima. [9] Ku twatura ebibi byaitu, Ruhanga n'omwesigwa kandi ohikiriire kutusaasira ebibi n'okutwozyaho eby'okutahikiirira byona,”*

OKUGARUKAMU EBIBUZO

1. Shoma Luka 18:9. Enfumu niki?
Enfumu ya baibuli n'omugane oguri kworeka amazima ag'omwoyo.
2. Shoma Luka 18:9 Omunfumu egi Yesu akaba nagyorekyereza omuri bahi?
Ahari abo abarikwetwara ngu bo bahikiriire ..
3. Shoma Luka 18:9 (ekicweka ekikushembayo aha mushororongo ogu). Abantu abarikwemanya ngu bahikiriire . haine okubakwetwara ahabandi bantu. Okurugirira omu Luka 18:9, nibetwara bata?
B. Nibagaya abandi.
4. Shoma Luka 18:10. Abantu babiri bakaza kushaba;omungamba eyerigyenda bakaza kushabira nkahi?
Omukanisa.
5. Shoma Luka 18:10. abantu aba bakaba bari baahi?
Omufarisaayo n'omuhooza.
6. Shoma Luka 18:11. Ni shara ki ey'Omufarisaayo yashabire?
Ruhanga ninkusiima ahakuba tindi nk'abantu abandi (tindi musisis). Tindi munyagi, atahikiriire ., omushambani kandi tindi nka omuhooza ogu.
7. Shoma Luka 18:12. Okusiiba nikimanyisa ki?
Nikwo kuheza obwire otarire ebyokurya.
8. Shoma Luka 18:12. Okuha ekimwe ekikumi nikimanyisa ki?
Nokuha kimwe ekikumi ahabyona ebyotunga.
9. Shoma Luka 18:13. omuhooza akaba ayemereire nkahi?
Hareho.
Ahabwakii?
Akaba nashwara okutaha omunda omu kanisa (hekaru) ahabwokuba akaba ari omusisi runkunku, nikyo yagumiire aheru.
10. Shoma Luka 18:13. Ahabwaki omuhooza yainikire omutwe atakubaasa kwinamura amaisho?
Akaba nashwara. Orakozireho ekintu kibi otarikwenda kureeba omuntu omu maisho?
11. Shoma Luka 18:13. Eshara y'omuhooza ekaba eri eha?
Ruhanga onsaasire nyowe ndi omusiisi.
12. Shoma Luka 18:14. Ahabashaija aba bombi, noha owarangirirwe okuhikiriira omu

maisho ga Ruhanga?

Omuhooda

13. Shoma Luka 18:14. Ahabwaki omuhooda yarangirirwe kuba omuhikirire kwonka atari omufarisaayo?

Ahakuba akecureza omu maisho ga Ruhanga. Omufarisaayo ayijwire okwemanya. Taratekatekire ngu akaba nayetenga omujuni.

14. Shoma Luke 18:14. Ruhanga akasasira omuhooda ugu?

Eego.

15. Shoma Abarooma 10:13. Obwahati kuwakuteka amaju okatakira Ruhanga oyihire ahamutima “Ruhanga ngirira embabazi nyowe omusiisi”Ruhanga akakutwariza nkoku yatwarize omuhooda?

Eego. Buziima nabasa. Nabasiiza kimwe okunsasira Kandi akanshemezaho okutahikirira kwangye kwona. 1 Yohaana 1:8-9.

EISHOMO 3

OKUHIKIRIRA KWA RUHANGA AHABW'EMBABAZI

Nebya Don Krow

Er'izooba, nituza kureeba aha ishomo eririkwetwa okuhikiirira ahabw'embabazi. Abarooma 3:21-23 nihagira hati, *"Kwonka hati hariho okuhikiirira okushuurwirwe okuruga ahari Ruhanga, kutari kw'ebiragi, haza Ebiragiro n'bya baanabi nibikuhanya, [22] nikwo kuhikiirira kwa Ruhanga, oku abarikwikiriza boona baheebwa ahabw'okwikiriza Yesu Kristo. Mumanye ngu tihariho mutaano; [23] ahakuba boona bakashiisha, kandi tibarikuhika ha kitiinisa kya Ruhanga,"*

Oyetegezeze ngu ekyahandikiirwe eki nikigira ngu, *"Kwonka hati hariho okuhikiirira okushuurwirwe okuruga ahari Ruhanga, kutari kw'ebiragi,"* Omurundi gumwe nkabuza omushaija nti, *"Notekateka nenki ekiwakubaasa kukora kutaha omw'iguru?"* Yangarukamu ngu ashemereire kukuratira ebiragiro ikumi, abe omwesigwa aha mukazi we, aine emicwe mirungi nebindi nkebyo. Namugarukamu nti, *"Nomanya eki oyine kukora kubaasa kutaha omw'iguru, kuguma omu maisho ga Ruhanga nari omubukama bwe? Oine kuba oine okuhikiirira okurikwingana nokwa Ruhanga,"* Yatangara yangira ati, *"tihariho omuntu weena orikubaasa kuba aine okuhikiirira okurikwingana n'okwa Ruhanga. Kureka omushaija omwe niwe aine okuhikiirira nokwa Ruhanga niwe Yesu Kristo,"* Namugarukamu nti, *"ohikire! Tihariho muntu nomwe omuri itwe orabasize kukuratira ebiragiro ikumi, kwonka tushemereire kuba twine okuhikiirira kwa Ruhanga kubaasa kuhikirizibwa omu maisho ge,"*

Ekyo nikyo omushororongo oguri omu Abarooma 3: 21-22 gurikugamba, *"Kwonka hati hariho okuhikiirira okushuurwirwe okuruga ahari Ruhanga, kutari kw'ebiragi, haza Ebiragiro n'bya baanabi nibikuhanya, [22] nikwo kuhikiirira kwa Ruhanga, oku abarikwikiriza boona baheebwa ahabw'okwikiriza Yesu Kristo. Mumanye ngu tihariho mutaano ..."* Okuhikiirira oku Ruhanga arikutuheereza ahabw'okwikiriza Yesu Kristo, kandi n'okwabantu boona abarikumwikiriza. Hariho emiringo ebiri eyokuhikiirira — okuhikiirira okw'omuntu n'okuhikiirira okwa Ruhanga. Okuhikiirira okw'omuntu nemicwe mirungi n'ebikorwa birungi, kwonka tibirikubaasa kumujuna. Noyetenga okuhikiirira okurikwingana nokwa Ruhanga kandi n'okwabusha — okuhikiirira kwa Ruhanga kutari kwebiragiro.

Ekicweka eki, nikimanyisa ngu Ruhanga naheereza okuhikiirira hatariho ebiragiro. Okuhikiirira okwebiragiro n'okuhikiirira okwebikorwa, okwehayo, okabona kwikirizibwa omu maisho ga Ruhanga. Amadiini goona agari omunsi obwahati nigatekateka ngu hariho eki oine kukora okabona kwikirizibwa omu maisho ga Ruhanga. Ekigambo "engiri" nikimanyisa "amakuru marungi," amakuru marungi ag'engiri gari ngu Ruhanga naheereza okuhikiirira kwe kandi nokwikirizibwa ahari abo boona abarikwikiriza Yesu Kristo ekiyabahaire — akafa ahamusharaba ahabwa ebibi byaitu atyo yatuha okuhikiirira okurikwingana nebiragiro. Oku

nikwo kuhikirira kwa Ruhanga oyihireho ebiragiro okw'omuntu otarikorerera atahendekire: kwonka nokuheebwa ahabwokwikiriza Yesu Kristo.

Yetegyereze omushororongo gwa 22 nikwo kuhikirira kwa Ruhanga okwabarikwikiriza boona baheebwa ahabwokwikiriza Yesu Kristo mumanye ngu tihariho mutaano. Ahabwaki Ruhanga naheereza okuhikiriira kwe buri omwe? *“nikwo kuhikiirira kwa Ruhanga, oku abarikwikiriza boona baheebwa ahabw'okwikiriza Yesu Kristo. Mumanye ngu tihariho mutaano, ahabw'okuba boona bakashiisha, baafeerwa kuhika ahari Ruhanga ow'ekitiinwa.”* Okashiisha, nanye nashiisha, tweena tituri kuhika aha kitinisa kya Ruhanga. Ahabw'ekibi kyaitu, hati ekyirikwetengwa omu mitima yaitu nokwakiira tukikiriza tukagira omukago na Ruhanga kandi tukaheebwa okuhikiriira omu maisho ga Ruhanga ... eki Ruhanga tarikukituhereza ahabwokuhikiriza ebiragiro kureka ahabwokwikiriza Yesu Kristo. Okuhikiriira kwa Ruhanga tikurikuheebwa ahabwa ebikorwa byaawe kureka nokutunga ahabw'okwikiriza kandi okesiga Mukama waitu Yesu Kristo.

Abrahamu (ishenkuru wabarikwikiriza) akajunwa ata? Baibuli negira ngu akaikiriza. Akaikiriza Ruhanga — yaikiriza ekiyamuraganise— reru mukama yakimubarira okuba okuhikiriira. Kandi eki kikaba kitari kya Abrahamu wenka. Nitushoma omu Abarooma 3:21-23, ngu omuntu naheebwa okuhikiriira ahabwokwikiriza Yesu Kristo. Baibuli negira ngu ahabwa omutango Ogu Kristo yashashwire aha musharaba obu yashesha eshagama ye ahabwa ebibi byaitu, okuhikiriira nukubarirwa ahari buri muntu wena orikwikiriza.

Abarooma 5:17 negira ngu, *“Ekicumuro ky'omuntu omwe ku kiraabe kyareeteire rufu okwema ahabw'ogwo, okukira munonga abaakiira ezo embabazi nyingi munonga nekiconco ky'okuhikiirira, baryayemekwa omu magara masya ahabw'omwe niwe Yesu Kristo.”* Ruhanga nakuha ekiconco kyokuhikiriira omu maisho ge, ekiconco tokigura kwonka orikukikuha naaba akishashurire. Kworikumpa ekiconco kandi okanshashuza, ekyo nikiba kitari kiconco, kwonka iwe orikukiha noba okishashurire. Ruhanga akatuha okuhikiirira nka ekiconco, kandi eki ekiconco kyokuhikiriira nokitunga, ahabwa okwikiriza Yesu Kristo.

EBIBUZO EBY'ABEEGI

1. Shoma Tito 3:5. Okuhikiriira okuturikwetenga nokuhikiriira okuturikukorerera?

Tito 3:5 “Yaaturujuna, ti habw'ebyo'okuhikiirira ebi twakozire, kureka ahabw'okusaasira kwe, akaturujunisa okwogibwa okw'okuzaarwa obwa kabiri n'okuhindurwa abasya omu Mwoyo Orikwera,”

2. Shoma 2 Abakorinso 5:21. Nikuhikirira ki okuturikwetenga?

2 Abakorinso 5:21 “Ahakuba Ogwo otaramanyire kibi Ruhanga akamuhindura ekibi ahabwaitu, ngu omuriwe tuhindukye okuhikiirira kwa Ruhanga,”

3. Shoma Abarooma 3:22. Okuhikiriira oku tukutunga tuta?

Abarooma 3:22 “Nikwo kuhikiirira kwa Ruhanga, oku abarikwikiriza boona baheebwa ahabw'okwikiriza Yesu Kristo. Mumanye ngu tihariho mutaano;”

4. Shoma Abafilipi 3:9. Okuhikirira okwokuhisya ebiragiho nikwo kuha?

Abafilipi 3:9 “kandi ndeebwe ndi omuriwe, ntaine kuhikiirira okwangye ahabwangye okw'okuhitsya Ebiragiho, kureka okuri omu kwikiriza Kristo, nikwo kuhikiirira okuruga ahari Ruhanga ahabw'okwikiriza;”

5. Shoma Abagalatia 2:21. Nobaasa ota kuhindura busha embabazi za Ruhanga?

Abagaratia 2:21 “Tindikuhindura busha mbabazi za Ruhanga; ahakuba kuri okwihwaho orubanja kuheebwa ahabw'okuhikiiriza Ebiragiho, Kristo akaabaire afeereire busha,”

6. Shoma Abarooma 5:17. Okuhikiriira kwa Ruhanga n'okutunga ota?

Abarooma 5:17 “Ekicumuro ky'omuntu omwe ku kiraabe kyareeteire rufu okwema ahabw'ogwo, okukira munonga abaakiira ezo embabazi nyingi munonga n'ekiconco ky'okuhikiirira, baryayemekwa omu magara masya ahabw'omwe niwe Yesu Kristo,”

EBYOKUGARUKAMU

1. Shoma Tito 3:5. Okuhikiriira okuturikwetenga nokuhikiriira okuturikukorerera?
Ngaha.
2. Shoma 2 Abakorinso 5:21. Nikuhikirira ki okuturikwetenga?
Okuhikiriira okwa Ruhanga (okuri kuruga omuri Yesu Kristo).
3. Shoma Abarooma 3:22. Okuhikiriira oku tukutunga tuta?
Okuruga omukwiriza Yesu Kristo.
4. Shoma Abafilipi 3:9. Okuhikiriira okwokuhisya ebiragiro nikwo kuha?
Okuhikiriira ahabwangye/okwangye — emirimo ey'okuhikiriira eyindikubasa kukora.
5. Shoma Abagalatia 2:21. Nobaasa ota kuhindura busha embabazi za Ruhanga?
Nohindura busha embabazi za Ruhanga wagyezaho kujunwa ahabwa ebikworwa byaitu birungi omu mwanya gw'okwesiga Kristo, n'okufakwe ahabwaitu kutunga okujunwa.
6. Shoma Abarooma 5:17. Okuhikiriira kwa Ruhanga n'okutunga ota?
Nka ekiconco.

EISHOMO 4

OMUKAGO NA RUHANGA

Nebya Andrew Wommack

Kimwe aha bintu ebiri kukirayo obukuru aha mukago, n'okwetegereza omuntu ow'okuza kugira omukago nawe, kandi nikwe kiri kityo na Ruhanga. Oshemereire kumanya obuhangwa n'emitwarize ya Ruhanga, obone kugira omukago murungi nawe. Obutamanya obuhangwa n'emitwarize eya Ruhanga niyo emwe ahanshonga eziri kutuma abantu baingi batagira omukago murungi na Ruhanga. Ekyyo nikyyo kyabaireho omu musiri gwa Edeni obu Adam na Haawa obu bayoheebwa enjoka. Bakagwa omu kwohebwa okwo nikwo kugomera Ruhanga, kandi baatwara oruganda rw'omuntu omu kibi. Obutamanya gye obuhangwa bwa Ruhanga nikyyo kimwe ahakicweka ekyyo kyokwoheebwa.

Abantu baingi nibamanya ebyahandiikirwe omu kitabo ky'Okutandika 3:1-5: *“Kandi enjoka ekaba eri enyabwengye okukira enyamaishwa zoonza ezi Mukama Ruhanga yaahangire. Yaabuza omukazi eti: N'eky'amazima, Ruhanga akagira ngu mutarirya aha muti gwona ogw'omuri eki kibanja? Omukazi yaagarukamu enjoka ati: Nitwikirizibwa kurya ebijuma by'emitu y'omu kibanja, [3] kureka ebijuma by'omuti oguri ahagati y'ekibanja; nibyo Ruhanga yaagizire ati: Mutaribirya, n'obu kwakuba okubikoraho, mutakaafa. Enjoka yaagambira omukazi eti: Okufa kwo, buzima timurifa; ahabw'okuba Ruhanga naamanya ngu eizooba eri muriguryaho, amaisho gaanyu garyaiguka, naimwe mube nka Ruhanga, mumanye oburungi n'obubi”*.

Hariho ebighambo ebirikubuzabuza ebi Sitaane arikukozeza. Hanu nagira ngu Ruhanga buzima ti murungi ... ngu haine ekiyabaire atarikwendeza Adamu na Haawa... ngu atarikwenda bahikye aha bwijwire Obwo'bushoborozi bwabo ... ngu akaba atarikwenda ngu bashushane nawe... kandi ngu enshonga eyatumire Ruhanga Yataho ekiragiro kyokutarya aha muti ogw'okumanya oburungi n'obubi kikaba kiri ekyokubagarura enyima nari kubakora kubi. Omuri eki, Sitaane yashiisha obuhangwa n'emitwarize ya Ruhanga obu Sitaane yagira ngu Ruhanga tarikubendeza ebirungi. Nikyyo kintu kimwe ekyyo ekirikuba aha bantu ebiro ebi. Sitaane nabagira, “Kworikworobera Ruhanga otarikukora ebyo ebirikhakanisa ekigambo kya Ruhanga timurishemererwa buzima. Amagara nigaija kuba gatari kushemeza ... gafiire”. Ekyy'obusasi kiri ngu, abantu kubarikuheza Kutandika, kureesa enjayi, okunywa amara, obushambani, obugomi, okucakara, n'ebindi nkebyo bashaanga batamazirwe. Kubarikuza kukyetegegereza baba bacwekyereze amagara gaabo, amaka, n'emibiri yaabo.

Amazima gari ngu Ruhanga ni murungi kandi natwendeza ebirungi byonka. Kwonka Sitaane nekozeza okwohibwa ahari itwe nkoku yabikozeise ahari Adamu na Haawa omu musiri gwa Edeni, akyabaire nikireta okutekateka ngu Ruhanga ti murungi. Abo abarikwetegereza gye baibuli nibabaasa kutwara ekishushani ekyyo ahabwokuba omu kigambo hariho obu Ruhanga yabaire akozesa ekiniga nobushariizi. Omu kitabo Ky'Okubara 15:32-36, omuntu owubashangire naatorotoora enku bakamutera

amabaare yaafa ahabwokutorobera ekiragiyo kya sabato. Ekyo nikihururwa nka ekintu kyobukambwe kwonka hakaba hariho ekigyendererwa ky'ekibonerezo ekyo, nobubirabe bitarikwetegyerezibwa abarikushoma ebyahandikiirwe batatireho omutima. Kworikufayo okushoma otireho omutima endagano eyira ebiragiyo bikaheebwa kworeka ngu ekibi ekikozirwe kwe buzima nikibi, nka Paulo okwarikugira omu Abarooma 7:13. E Eshonga ekaba eri ngu abantu tibaretegyereize ebyokushisha byabo bikaba biri omushango ahari Ruhanga. Bakakora enshobi ey'okwegyerageranisa n'abandi kandi n'omubikorwa byabo.

Omuntu kuyabaire akora ekibi batamwisire, bakaba batekateka ngu kikaba kitari kibi munonga, obwe bakakyendeza aharurengo rw'ekyepimo. Bakaba batakiine kwetegyereza buzima ekirungi nari ekibi. Ruhanga akaba aine okugarura omuntu omu buteka bwokumanya omutindo oguhikire ogw'okutura omu magara agahikire babone kwanga Sitaane n'okwohibwa kwe, n'okumanya omuheru gw'ekibi. Kuyakozire atyo, akaba aine kuhamya ebiragiyo ebiyahaire.

Ruhanga taraheire ebiragiyo ebyendagano eya ira nekigyendererwa ngu, "okuhisya mwahikiriza ebiragiyo ebi byona, tinkubasa kubaikiriza nari shi kubakunda," Obwe tibwo buhangwa bwa Ruhanga n'emitwarize ye. Okwihaho, akatuha ebiragiyo bitubasise kumanya ekirungi n'ekibi kandi kituretere kumanya ngu nitwetenga omujuni. Ekizibu ekiriho kiri ngu abantu nibatekateka ngu Ruhanga nayenda babe abahikiriire . abone kubakunda, ekyaresire entekateka eyi baingi baine ngu, okukunda kwa Ruhanga kukaba nikwinganisibwa n'ebikorwa byabo. Nibahurira ngu okwihaho bakora ebintu byona bihikire, tibarikwija kwikirizibwa Ruhanga, kwonka tibwo butumwa bwa Baibuli.

Omutima gwa Ruhanga n'okugarukanisa abantu nawe kutari kubasharira omushango...ti kubatekaho ebibi byabo...ti kubabarira ebibi byabo. Ogwo nigwe mutima gwa Ruhanga aha bantu omu Baibuli kandi nigwe mutima gwakwinire nahati. Nitwetenga kwetegyereza omutima gwe buzima, ngu RUHANGA NIRUKUNDO (1 Yohaana 4:8). Ekyarikwenda nokukwihaho ebibi byawe naburi kimwe ekirikubaasa kukutaanisa nawe. Eki akakikora ira naraba omuri Kristo Yesu kandi nakuha omukago hati, atarikwegamira ahabikorwa byawe kureka okwikiriza kwawe kandi n'okwikiriza Yesu kuyatwire ebibi byawe. Nobaasa kugira omukago na Ruhanga nobuwakuba oyine eby'oshobize omu magara gaawe. Ekyarikukushaba nokugira okwikiriza omuri Mukama Yesu Kristo.

EBIBUZO EBY'ABEEGI

1. Shoma Okutandika 3:1. Nikibuuzo ki Sitaane ekiyaburize Haawa?

Okutandika 3:1 “Kandi enjoka ekaba eri enyabwengye okukira enyamaishwa zoonza ezi MUKAMA Ruhanga yaahangire. Yaabuuzo omukazi eti: N’eky’amazima, Ruhanga akagira ngu mutarirya aha muti gwona ogw’omuri eki kibanja?”

2. Shoma Okutandika 2:17 na Okutandika 3:3. Nibigambo ki nari ekigambo ebi Haawa yayongire ahari ebyo Ruhanga yagambiire Adamu?

Okutandika 2:17 “Kwonka omuti gw’okumanya oburungi n’obubi otariguryaho, ahabw’okuba eizooba eri origuryaho, buzimazima oryafa,”

Okutandika 3:3 “Kureka ebijuma by’omuti oguri ahagati y’ekibanja; nibyo Ruhanga yaagizire ati: Mutaribirya, n’obu kwakuba okubikoraho, mutakaafa,”

3. Shoma Okutandika 3:6 Sitaane kuyaherize kuta Okubanganisa omuntekateka ya Haawa aha kigambo kya Ruhanga, akakora ki omu mushororongo ogu 3:6?

Okutandika 3:6 “Omukazi ku yaareebire omuti guri murungi kurya, nigushemeza amaisho, kandi nigwetengwa ahabw’okuha omuntu obwengye, yaacwa aha bijuma byagwo, yaarya, yaahaho na iba, nawe yaarya,”

4. Shoma Okutandika 3:9-10. Bwanyima ya Adamu na Haawa okushiisha, Ruhanga akagumizamu n’omukago nabo nagamba nabo?

Okutandika 3:9-10 “MUKAMA Ruhanga yaayeta omushaija, naagira ati: Ori nkahi? [10] Omushaija yaagira ati: Naakuhurira ori omu kibanja; naatiina, ahakuba naaba njwaire busha; naayeshereka.”

5. Shoma Okutandika 3:22-24. Ninshonga ki eyatumire Ruhanga kubinga Adamu na Haawa omu kibanja?

Okutandika 3:22-24 “Bwanyima MUKAMA Ruhanga yaagira ati: Reebe, omuntu ogu ahindikire nk’omwe ahariitwe omu by’okumanya oburungi n’obubi; mbwenu nu arekye kugorora omukono gwe, akatwara aha muti gw’amagara, akarya, akagumaho ebiro byona- [23] N’ahabw’ekyo MUKAMA Ruhanga yaamwiha omu kibanja kya Edeni, ngu aze kuhinga eitaka eri yaihirwemu, [24] Ruhanga nikwo kubinga omuntu, akata 3:24 baakerubi n’omutwe gumwe aha mahe ga baamaraika.baakerubi aha rubaju rw’oburugwa-izoba bw’ekibanja kya Edeni, na rurara erikumurinkana kandi erikuhindahinduka embaju zoonza, okurinda omuhanda ogurikuza aha muti gw’amagara,”

6. Nokireba ngu eki ekikorwa kikaba kiri eky’embabazi kwonka kitari kibonerezo?

7. Shoma Abarooma 5:17. Nitutunga tuta Embabazi za Ruhanga omubwijwire nk'ekiconco ky'okuhikiriira?

- A. Nokigura.
- B. Nokikorererera
- C. Nokyakira.

Abarooma 5:17 *“Ekicumuro ky'omuntu omwe ku kiraabe kyareeteire rufu okwema ahabw'ogwo, okukira munonga abaakiira ezo embabazi nyingi munonga nekiconco ky'okuhikiirira, baryayemekwa omu magara masya ahabw'omwe niwe Yesu Kristo,”*

8. Shoma Abarooma 6:23. Nenki buzima ekishemereire omusisi?

Abarooma 6:23 *“Ahakuba ebihembo by'ekibi n'okufa; kwonka ekiconco kya Ruhanga namagara agatahwaho omuri Kristo Yesu Mukama waitu,”*

9. Ahabw'embabazi, Ruhanga natuhereza ki omu mwanya gwokufa?

10. Shoma Abarooma 10:3. Kuturi kugyezaho kwekorera okuhikiriira okwaitu omu maisho ga Ruhanga nenki ekiturikuremwa kukora

Abarooma 10:3 *“Ahabw'okutamanya kuhikiirira okurikuruga ahari Ruhanga, bakeesherurira oku baakuhanya okuhikiirira kwabo ahabwabo, tibaroorobeire kuhikiirira okurikuruga ahari Ruhanga,”*

11. Shoma 1 Yohaana 1:9 na Abarooma 4:3. Ruhanga naturaganisa kukoraki ebibi BYONA n'okushisha kwaitu kuturikumwikiriza?

1 Yohaana 1:9 *“Ku twatura ebibi byaitu, niwe w'okwesigwa kandi ohikiriire kutusaasira ebibi n'okutwozyaho eby'okutahikiirira byona,”*

Abarooma 4:3 *“Ebyahandiikirwe nibigira bita? Biti: Abrahamu akaikiriza Ruhanga, kyamubarirwa okuba okuhikiirira,”*

12. Eki nikitugambira ki aha mitwarize ya Ruhanga?

EBY'OKUGARUKAMU

1. Shoma Okutandika 3:1. Nikibuuzo ki Setani ekiyabuurize Haawa?
N'eky'amazima, Ruhanga akagira ngu mutarirya aha muti gwona ogw'omuri eki kibanja?
2. Shoma Okutandika 2:17 na Okutandika 3:3. Nibigambo ki nari ekigambo ebi Haawa yayongire ahari ebyo Ruhanga yagambire Adamu.
Ngu n'obu kwakuba okubikoraho.
3. Shoma Okutandika 3:6. Sitaane kuyaherize kuta Okubanganisa omuntekateka ya Haawa aha kigambo kya Ruhanga, akakora ki omu mushororongo ogu 3:6?
Yaacwa aha bijuma byagwo yaarya.
4. Shoma Okutandika 3:9-10. Bwanyima ya Adamu na Haawa okushiisha, Ruhanga akagumizamu n'enkoragana nabo nagamba nabo?
Eego.
5. Shoma Okutandika 3:22-24. Ninshonga ki eyatumire Ruhanga kubinga Adamu na Haawa omu kibanja?
Batakarya aha muti ogw'amagara bakagumaho ebiro byoona omu kibi.
6. Nokireba ngu eki ekikorwa kikaba kiri eky'embabazi kwonka kitari ekibonerezo.
Eego
7. Shoma Abarooma 5:17. Nitutunga tuta Embabazi za Ruhanga omubwijwire nk'ekiconco ky'okuhikiriira?
C. Nokyakyira.
8. Shoma Abarooma 6:23. Nenki buzima ekishemereire omusisi?
Okufa.
9. Ahabw'embabazi, Ruhanga natuhereza ki omu mwanya gw'okufa?
OAmagara agatahwaho omuri Yesu.
10. Shoma Abarooma 10:3. Kuturi kugyezaho kwekorera okuhikiriira okwaitu omu maisho ga Ruhanga nenki ekiturikuremwa kukora?
Okwehaayo ahari Yesu kuba okuhikiriira kwaitu.
11. Shoma 1 Yohaana 1:9 na Abarooma 4:3. Ruhanga naturaganisa kukoraki ebibi BYONA n'okushisha kwaitu kuturikumwikiriza?
ANabyihaho, abyebwa, abisasira.
12. Eki nikitugambira ki aha mitwarize ya Ruhanga?
Now'embabazi kandi aine rukundo.

EISHOMO 5

OBUHANGWA BWA RUHANGA

Nebya Andrew Wommack

Okubaasa kugira omukago murungi na Mukama, twine kumanya obwa Ruhanga n'emitwarize ye. Atwinire ekiniga ahabwa ebibi byaitu, nari ni Ruhanga owa embabazi arikutwendeza amagara ge n'emigisha, hatari ahabw'ebiturikukora? Ebyahandiikirwe nibitworeka ebishushani bibiri ebitarikushushana ebya Ruhanga, tikugira ngu Ruhanga arahindikire nari shi akora ebintu omuburyo obutarikushushana. Hariho obwire omuri baibuli obu Ruhanga "yabaire abarira abantu ebibi byaabo."

Eki nikibaasa kugyerageranisibwa nka okukuza abaana. Kubakuba bakiri bato tikirikubasika kutekateka aha rurengo rumwe nabo, kubagambira ahabwaki baine kutwaza kurungi nari ahabwaki batashemereire kweyendeza bonka nibaaka ebyokuzanisa kuruga aha baana bagyenzi baabo. Baine kugambirwa ebiragiro kandi babihenda nibahebwa ebibonerezo. Ebiragiro ebi byine kuhikirizibwa nobubarabe batakumanya Ruhanga nari Sitaane, ninga shi, ngu nibahereze Sitaane omwanya kubarikweyendeza bonka. Nibabaasa obutetegyereza ekigyendererwa, kwonka nibabaasa kwetegyera ngu kubaragarukye kukora egyo nshobi nibajja kufubirwa.

Oku nikwo Ruhanga yakozire omu ndagaano eya ira. Abantu batakajunirwe bakaba bataine kumanya okw'Omwoyo okutwine omu ndagaano ensya, nahabwekyo akaba aine kuha ebiragiro kandi abihikiriza n'ebifubiro, obumwe hakaba harimu n'okufa okwenda kubazibira ngu batakashisha. Ahabwokuba Sitaane akaba acwecereza abantu arikuraba omu kibi, hakaba hariho okutaho ekyakubazibira kukora ekibi kandi bikatebwa omu nkora. Nobweki kyabaire kyoreka ekishushani ekitari ekya Ruhanga ngu tarikutukunda ahabwa ebibi byaitu, ekyo tikwo ekigambo kya Ruhanga kiri kushomesa. Abarooma 5:13 nagira ati, *"Nimumanya ngu Ebiragiro bitakatairweho, ekibi kikaba kiri omu nsi; kwonka ekibi tikibarirwa muntu ahu Ebiragiro bitari,"* "Ebiragiro bitakatairweho" nikimanyisa ngu okuhisya ahabiro bya Musa obuyaheebwa ebiragiro ikumi hamwe n'amateeka agandi agarikukwata aha eihanga erya abayudaaya. Okuhisya omu bwire obwo, ekibi kikaba kiriho, kwonka kitakubarirwa bantu. Ekigambo "Okubarirwa" nekigambo ky'ababazi b'ebitabo. Eky'okureberaho kworikuza aha duuka okagira ekiwaihayo, ow'eduuka nomugira oti "ekinatarara kiteeke aha mbaririra yangye." Kubarikukiteka aha mbaririra yawe kihandiikwa kikubarirwa kandi riba eibanja eryorashashure. Baba batarikubarire nikiba nikimanyisa ngu tikirahandiikirwe kandi tibarikukikubanja.

Omushororongo ogu nigumanyisa ngu okuhisya obu ebiragro ikumi byaheebwa, ekibi kikaba kitabarirwaga bantu. Eki nekyokutangaza munonga.. Shoma omu Okutandika eshuura 3 na 4. Abantu abaingi nibatekateka ngu Adamu na Haawa kubasisire omu maisho ga Ruhanga, ahabwokuba Ruhanga akaba ahikiriire kandi omuntu hati n'omusisi, akaba atine kakwate koono n'omuntu omusisi. Bakatekateka ngu Ruhanga akabinga omuntu kuruga

omukibanja kya Eden kumwiha omu misho ge ahabwokuba Ruhanga ohikiriireakaba atiine mukago n'omuntu otahikiriire. Nibeyongyera kutekateka ngu mpaka okuhisya Obuturayeyeze turikukora ebikorwa ebihikirire, Ruhanga tarikubaasa kugira mukago murungi naitwe. Eki tikirikwikirizana n'obutumwa obu Yesu yaresire. Abarooma 5:8 negira ngu Ruhanga akatworeka okukunda kwe tukiri abanyabibi, Kristo yatufera; n'ahabwekyo endagaano ensya netwegyesa ngu Ruhanga akatukunda tukiri omu kibi, kutari kubanza kushemeza ebikorwa byaitu. Kimwe ahamazima agengiri agarareteho empinduka kuhindura amagara gawe nikwo kumanya ngu Ruhanga nakukunda nka okwori. Nakukunda munonga buzima ngu kwokuheza kwikiriza rukundo ye torikwenda ngu osigare nkoku waba ori. Noiija kuhinduka, kwonka noiija kuhinduka ahabwa rukundo ya Ruhanga kwonka ti kuhinduka ngu obaase kutunga okukunda kwe.

Omu Okutandika eshura ya 4 noreeba ngu Ruhanga akasigara nakigamba na Adamu na Haawa nobubabeire baherize kushisha. Akagamba na Kaini omu iraka erirukuhurirwa. Okurugirira okubagarukiremu nitureba ngu bakaba bamanyire kuhurira eiraka rye kandi tirirabatinise. Kaini kuyaisire omurumuna Abeeli, yahinduka omwisi ow'okubanza omunsi, eiraka rya Ruhanga erirukuhurirwa ryaruga omu iguru: 'Murumuna wawe Abeeli arinkahi?'

Kaini akabeiha Ruhanga, ataine bwoba nari kutina. Ekyo nikibaho omuntu yaba amanyirire kuhurira eiraka rya Ruhanga ngu bakitwara nkekibamanyire bateine kutina kwona. Ebi byona nibyoreka ngu Ruhanga akaguma nakoragana n'omuntu kandi tarahenzire mukago gwe n'omuntu nkoku baingi barikwikiriza. Ekibi kyomuntu kikaba kitakumubarirwa. Ekyo nikimanyisa ngu Ruhanga akaba naikiriza ebibi ebibakozire nari shi bakaba batashobize? Ngaha, egyo niyo nshonga ahabwaki yabahaire ebiragiyo. Ruhanga akaba aine kubaha ebiragiyo kwenda kubagarura omu buteka obushemereire. Ruhanga akaba aine kworeka omuntu ngu nayetenga omujuni kandi aine kwecwendeka akakiira okusasirwa nka ekiconco. Ekyobusasi ediini negyezaho kubuzabuza nokushiisha entekateka egi obwo erikworeka ngu omuntu akahebwa ebiragiyo kubihikiriza reru abone kusasirwa n'okwikirizibwa Ruhanga. Ngaha ekigyendererwa ky'e biragiyo ebyendagaano eya ira kikaba kiri ekyokworeka ekibi kyawe okahika aha rurengo orwokukuhisya kwehwamu amastiko agokwejuna reru okagira oti "Ruhanga ogu kugurabe nigwo guri omurengo gwawe ogw'okuhikiriira tinkubaasa kuguhikiriza. Onsasire, ngirira embabazi," Omuri byoona Ruhanga n'obwa Ruhanga bwe ni rukundo.

EBIBUZO EBY'ABEEGI

1. Shoma Abarooma 5:13. Ekigambo “okubarirwa “nikimanyisa ki?

Abarooma 5:13 “Nimumanya ngu Ebiragirowe bitakatairweho, ekibi kikaba kiri omu nsi; kwonka ekibi tikibarirwa muntu ahu Ebiragirowe bitari,”

2. Shoma Abarooma 7:7. Ekigyendererwa ky'ebiragirowe nenki?

Abarooma 7:7 “Mbwenye tugambe ki? Tuti: Ebiragirowe nikyo kibi? Ngaaha! Tinkumanyire kibi, kuri ntarakimanyisiibwe Biragirowe; ahakuba tinkumanyire kwetenga, kuri Ebiragirowe bitaragizire biti: Otaryetenga,”

3. Shoma Abagalatia 3:24. Okurugirira aha mushororongo ogu ekigyendererwa ky'ebiragirowe kikaba kiri ki?

Abagalatia 3:24 “N'ahabw'ekyo Ebiragirowe bikatubeera omwegyesa w'okutuhitsya ahari Kristo, ngu tubone kwihwaho orubanja ahabw'okwikiriza,”

4. Shoma Yohaana 8:1-11. Yesu akatwariza ata omukazi owakwasirwe nanshambana?

Yohaana 8:1-11 “Bwa mbere na mbere hakaba hariho Kigambo; Kigambo ogwo akaba atuura na Ruhanga; kandi Kigambo akaba ari Ruhanga. [2] Ogwo omu kutandika akaba ariho na Ruhanga; [3] ebintu byona niwe yaabihangire, kandi omu byahangirwe byona tihariho kintu na kimwe eki atarahangire. [4] Amagara gakaba gari omuriwe, ago magana gakaba gari Omushana gw'abantu. [5] Omushana ogwo gujwa omu mwirima, kandi omwirima tigukaguraazaga. [6] Hakaija omuntu owaatumirwe Ruhanga, orikwetwa Yohaana. [7] Ogwo akaija kuba kareebi ngu ahamye eby'Omushana, abantu boona baikirize ahabwe. [8] We akaba atari Mushana ogwo; kwonka akaija kuhamya eby'Omushana. [9] Hakaba hariho Omushana ogw'amazima, ogujwera abantu boona, ogwabaire nigwija omu nsi. [10] Akaba ari omu nsi, kandi ensi niwe yaagihangire, kwonka ensi teramumanyire. [11] Akaija owe, abaabaire bari abe tibaamwakiira,”

5. Ebigambo n'ebikorwa bya Yesu bikaba nibyoreka obuhangwa bwa Ruhanga? Shoma Yohaana 3:34.

Yohaana 3:34 “Ou Ruhanga yaatumire agamba ebigambo bya Ruhanga; ahakuba Ruhanga ku aza kuha Omwoyo, tamurenga,”

6. Shoma I Yohaana 4:8. Okuugirira aha mushororongo ogu buzima obwa Ruhanga nikyo ki?

I Yohaana 4:8 “Otagira rukundo tamanya Ruhanga; ahakuba Ruhanga aba rukundo,”

7. Shoma Abarooma 5:6. Ruhanga akatworeka rukundo turi tuta?

Abarooma 5:6 *“Ku twabaire tukiri enshoberwa, omu bunaku buhikire Kristo yaafeera abatatiina Ruhanga,”*

8. Shoma Abarooma 5:8. Ruhanga akatworeka rukundo ye obutwabaire turi tuta?

Abarooma 5:8 *“Kwonka Ruhanga ayoreka okukunda kwe oku atukunda, ahakuba ku twabaire tukiri abanyabibi, Kristo yaatufeera,”*

9. Shoma Abarooma 5:10. Ruhanga akatukunda turi tuta? Kuwakushaba Yesu Kristo ngu akusasire ebibi byawe kandi abe omujuni kandi Mukama wawe, orikwesiga omuhendo ogu Yesu yashashurire ebibi byawe, Ruhanga akakworeka obwa Ruhanga bwe buzima obwokusasira n'embabazi ze?

Abarooma 5:10 *“Ahakuba ku turaabe twagarukaine na Ruhanga ahabw'okufa kw'Omwana we tukiri abazigu be, mbwenu okukira munonga, nkòku tuherize kugarukana nawe, amagara ge garyatukiza;”*

EBY'OKUGARUKAMU

1. Shoma Abarooma 5:13. Ekigambo “okubarirwa” nikimanyisa ki?
Okuta embaririra aha muntu.
2. Shoma Abarooma 7:7. Ekigyendererwa ky'ebiragiro nenki?
Kumanyisa ekibi.
3. Shoma Abagalatia 3:24. Okurugirira aha mushororongo ogu ekigyendererwa ky'ebiragiro kikaba kiri ki?
Kikaba kiri okworeka ngu nayetaga omujuni Yesu Kristo.
4. Shoma Yohaana 8:1-11. Yesu akatwariza ata omukazi Owakwatsirwe nanshambana?
Akamusasira n'embabazi.
5. Ebigambo n'ebikorwa bya Yesu bikaba nibyoreka obuhangwa bwa Ruhanga? Shoma Yohaana 3:34.
Eego.
6. Shoma 1 Yohaana 4:8. Okurugirira aha mushororongo ogu buzima obwa Ruhanga nikyo ki?
Ruhanga ni rukundo.
7. Shoma Abarooma 5:6. Ruhanga akatworeka rukundo turi tuta?
Tukaba tutaine mani turi enshoberwa. Kandi tutaine obwa Ruhanga.
8. Shoma Abarooma 5:8. Ruhanga akatworeka rukundo ye Obutwabaire turi tuta?
Kutwabaire tukiri abanyabibi.
9. Shoma Abarooma 5:10. Ruhanga akatukunda turi tuta?
Turi abazigu be.
10. Kuwakushaba Yesu Kristo ngu akusasire ebibi byawe kandi abe omujuni kandi Mukama wawe, orikwesiga omuhendo ogu Yesu yashashurire ebibi byawe, Ruhanga akatworeka obwa Ruhanga bwe buzima obwokusasira n'embabazi ze?
Eego.

EISHOMO 6

OKWETEISA

Nebya Don Krow

Abantu abamwe baine obutetegyereza okweteisa ekikirikumanyisa. Okweteisa tikugira ngu toine kamogo koono, okwihaho nokuhindura entekateka yawe. Nituza kugamba aha enfumu y'omwana owazahire. Yesu natebya ekikirikumanyisa omuntu kweteisa. Omu Luka 15:11-12 Yesu nagira ati, *"Kandi yaagira ati: Hakaba hariho omushajja owaabaire aine abatabani babiri. [12] Omuto yaashaba ishe ati: Taata, mpa omugabo gw'ebintu ebi waakundagire. Ishe yaababaganisiza eitungo rye,"*

Omutabani omuto akashaba omugabo gwe ishe atakafiire, ekyabaire kitari kya butosha, kwonka ishe akaikiriza kandi yabaha emigabo yabo. Omushororongo gwa 13 nigugira, *"Bwanyima y'ebiro bikye, omwana ogwo omuto yaateerana hamwe ebintu bye byona, yaagyenda, yaaza omu nsi endiijo eya hare. Ku yaahikireyo, yaashiishagurira ebintu bye omu micwe mibi".* Omutabani omuto akatwara obugaiga bwe, n'obuhunguzi bwe yagyenda omunsi eya hare, yaza omu kucakara yashisha obugaiga bwe bwona nemikago mibi na bamaraya.

Emishororongo 14-17 negira eti, *"Ku yaabiherizeho, haabaho enjara nyingi omu nsi egyo; yaaconcozoza. [15] Ahabw'ekyo yaagyenda, yaashumba aha muntu ow'omu nsi egyo; omushajja ogwo yaamwohereza omu mariisizo ge kuriisa empunu. Yaayetenga kurya ebishushu ebi empunu zaabaire ziry, kandi tihariho waabaire amuha ekintu kyona. [17] Ku yaayegarukiremu, yaayebuuzza ati: Abapakasi ni bangahi abarikukorera tata, abarya eby'okurya bakaremwa; haza nyowe enjara neenyitira aha!"* Omu kugamba okuhikire abapakasi aba ishe bakaba nibarya ebyokurya ebirikubahazya n'obundi bibaremeraho, kwonka we omwana akaba nayitwa enjara ataine ekyokurya.

Akasharaho; yayeteisa. Okweteisa nokuhindura omuntekateka, n'okuhinduka omumutima kandi okahindura omu migyendere yawe. Omu mishororongo 18-19 negira eti, *"Ka nyimukye, nze owa tata, mmugire nti: Taata, nkacumura aha W'omu iguru kandi n'omu maisho gaawe; [19] tinshemereire kwetwa omwana waawe; ongire nk'omwe aha bapakasi baawe abakorera ebihembo."* Yaimuka yagarukayo owa ishe. Okweteisa nikukiraho aha kuhindura ebitekateko, n'omutima, Nikituma wakora ekyo ekyorikwikiriza okahinduka okagyendera omu muhanda omusya. Twena tukateishuka twaruga ahari Ruhanga, twaruga omu iguru owaitu. Baibuli omu Isaaya 53:6 negira eti *"twena tukahaba nka entama twateishuka, buri omwe yatora omuhanda gwe;"*kwonka Ruhanga omu mbabazi ze yatwara ebibi byaitu yabiteka ahari Yesu.

Enfumu negumizamu omu mishororongo eya 20-24, *"Yaimuka kuza owa ishe,"* Ekiro kimwe nkaba ninganirira omushajja owabaire atakahurirahoga enfumu egi kandi we akaba namanya ngu omwana kuyagarukire ishe yamugambira ati, *"Mwana*

wangye reeba ekiwakora, oherizeho obugaiga bwangye bwona obunkozire omumagara gangye. Ba omwe aha bapakasi bangye.” Abaingi aha bazaire ab’omunsi bakakwasirwe ekiniga bagira nkogu mushaija okuyatekatekire, nkwonka yetegyerere entekateka ya ishe “*Ku yaabaire akiri hare munonga, ishe yaamureeba, yaakwatwa embabazi, yairuka, yaamugwa omunda, yaamunywegyera. [21] Omwana yaamugira ati: Taata, nkacumura aha W’omu iguru, kandi n’omu maisho gaawe, tinkiri w’okwetwa omwana waawe. [22] Kwonka ishe yaaragiira abahuuku be ati: Mwehuute mureete ekijwaro ekirikukira oburungi, mukimujwekye, n’empeta omu rukumu, n’enkaito omu bigyere; [23] mureete enyana y’ebishaju, mugiite, turye, tushemererwe; [24] ahabw’okuba omwana wangye ogu akaba afiire, hati yaazooka; akaba azaahire, mbwenu yaazaahuuka. Baatandika kushemererwa,” Embaga yatandika.*

Rimwe nkagambira efumu egi omuntu owangizire ati “Nakireeba eki Yesu arikugamba. Kunakuhindikira Ruhanga ngu angirire embabazi kandi kamugira nti ‘Taata, ncumwire ahari iwe tinshemereire kwetwa omwana wawe, Naija kunyikiriza,” Tataitwe ow’omwiguru naija kukugirira asaasi kandi tarakuhindure kuba omupakasi we. Naija kukwakira akugarurire obuhunguzi bwawe na Ruhanga (nawe) Ruhanga akurinzire. Wahindikire? Ahabwaki otakuhinduka okaza owa Ruhanga kandi omu iguru, omuka, er’izooba?

EBIBUZO EBY'ABEEGI

1. Shoborora ekigambo ekweteisa.

Luka 13:1-5 “Omu biro ebyo hakaba hariho abantu bamwe abaabaire bari aho, baamuteekyerereza eby'Abanyagalilaaya abu Pilaato yaajwangize eshagama yaabo n'ebitambo byabo. [2] Yaabagarukamu ati: Nimugira ngu Abanyagalilaaya abo bakaba bari abasiisi okukira abandi Banyagalilaaya boona, nikyo baitiirwe kubi batyo? [3] Nimbagambira nti: Tikwo kiri; mumanye ngu naimwe, ku muraabe muteeteiseze, muryahwerekyerera mwena nkabo. [4] Nari shi, abantu abo ikumi na munaana, abu omunaara gw'omuri Siloamu gwagwereire, gukabaita, nimugira ngu bakaba bari abasiisi okukira abandi boona abaabaire batuura Yerusaalemu? [5] Nimbagambira nti: Tikwo kiri; mumanye ngu naimwe ku muraabe muteeteiseze, muryahwerekyerera mwena nkabo,”

2. Shoma Luka 13:1-5. Twine kukora tuta obutahwerekyerera?
3. Shoma 2 Petero 3:9. Ruhanga nayendezaki abantu boona?

2 Petero 3:9 “Mukama tatuuzayo ki yaaraganiise, nk'abamwe oku barikuteekateeka, kureka agumisiriza ahabwanyu, atarikwenda muntu weena kuhwerekyerera, kureka naayenda ngu boona bahikye aha kweteisa,”

4. Shoma Luka 16:19-31. Omu Luka 16:28. Ahabwaki omushaija omutungu yabaire nayenda ngu habeho omuntu aragarukye kuruga omu bafu akagamba na abarumuna be?

Luka 16:19-31 “Hakaba hariho omutungu, owaabaire ajwara ebijwaro bya bujwa n'emyenda ya bafuta emirungi, kandi ebiro byona akaba asiiba ajarami, naarya gye. [20] Kandi hakaba hariho n'omworo, owaabaire naayetwa Laazaaro, ou baabaire babyamy aha irembo ry'omutungu ogwo, omubiri gwe gwijwire ebironda. [21] Akaba ayetenga kugaburirwa ebirikuragara ahansi y'emeza y'ogwo mutungi; kandi n'embwa zikaba ziiya, zirigatsa ebironda bye. [22] Bwanyima omworo ogwo yaafa, yaatwarwa baamaraika omu kifuba kya Abrahamu. Omutungu ogwo nawe yaafa, yaaziikwa. [23] Ku yaahikire okuzimu, yainamura amaisho ge naahururwa, yaareeba Abrahamu hare na Laazaaro ari omu kifuba kye. [24] Yaayeta munonga naagira ati: Taata Abrahamu, nsaasira, otume Laazaaro akoze enshonga y'orukumu rwe omu maizi, afukiirize orurimi rwangye; ahabw'okuba nimpururwa omu muriro ogu. [25] Kwonka Abrahamu yaagira ati: Mwana wangye, ijuka oku waahairwe ebirungi byawe okiri omu nsi, na Laazaaro nikwo yaahairwe ebibi; mbwenu hati ari aha, ari gye, iwe noohururwa. [26] Kandi t'ekyo kyonka, ahagati yaitu naimwe hariho orusa ruhango orwataireho, ngu ruremese abarikwenda kuruga aha kuza ei muri, kandi ngu ruzibire omuntu weena kuruga okwo kwija ahu turi. [27] Omutungu yaagira ati: Mbwenu ninkweshengyereza, Taata, omutume owa tata; [28] ahakuba nyineyo barumuna bangye bataano, abahabure, nabo barekye kwija omu mwanya ogu ogurimu okuhururwa munonga. [29] Abrahamu yaagira ati: Baine Musa na baanabi, babe nibo baahurira. [30] Omutungu yaagira ati: Ngaaha, Taata Abrahamu;

ku haraazeyo ozookire omu bafu, baryayeteisa. [31] Yaamugarukamu ati: Ku baraabe banga kuhurira Musa na baanabi, tibiirikirizisibwa muntu, nobu yaakuba ozookire omu bafu,”

5. Shoma Luka 16:30. Niki abarumuna bashemereire kukora bataza omu mwanya ogwokuhururwa munonga (geheena)?

Luka 16:30 *“Mutungi yaagira ati: Ngaaha, Taata Abrahamu; ku haraazeyo ozookire omu bafu, baryayeteisa,”*

6. Shoma Ebyakozirwe Entumwa 26:18. Nobu omushororongo ogu gutakugamba aha kweteisa. Nenki ekirabe aha barikweteisa?

Ebyakozirwe Entumwa 26:18 *“Okuhumuura amaisho gaabo, ngu bahindukye barugye omu mwirima, baze omu mushana, barugye omu bushoboorozi bwa Sitaane, bahindukire Ruhanga; babone kwihwaho ebibi, n’okuheebwa obuhunguzi hamwe n’abarikwezibwa ahabw’okuunyikiriza,”*

7. Shoma Ebyakozirwe Entumwa 26:20. Omu kicweka ekikushembayo omu mushororongo ogu hariho ebintu bishatu ebi abanyamahanga bashemereire kukora?

Ebyakozirwe Entumwa 26:20 *“Naatandikira aho kugambira aba Damasiko, bwanyima aba Yerusalemu n’ab’omu ishaza ryona erya Buyudaaya, kandi n’Abanyamahanga, ngu beeteise, bahindukire Ruhanga, bakore ebishemereire okweteisa kwabo,”*

8. Shoma Matayo 7:21-23. Nenki eki Yesu yabaire nagamba ngu abantu aba nibakora omu mwanya gwokukora okukunda kwa Ruhanga?

Matayo 7:21-23 *“Omuntu weena orikungira ati: Mukama wangye, Mukama wangye, tiwe aritaaha mu bukama bw’omu iguru, kureka orikukora ebi Tata ow’omu iguru akunda. [22] Baingi baryayetonganira aha kiro ekyo bati: Mukama waitu, Mukama waitu, torikumanya ku twabuuriire omu iziina ryawe, ku twabingire baadaimoni omu iziina ryawe, kandi ku twakozire eby’okutangaaza bingi omu iziina ryawe? [23] Haza naanye ndyabagarukamu nti: Tinkabamanyaga; mundugye omumaisho, imwe abakora eby’obugomi!”*

9. Eki nikikworeka ki aha mugasho ogw’okweteisa ogwamazima kutari kugamba bugamba ahari Ruhanga?

10. Shoma Isaaya 55:7. Nenki eki omubi ashemereire kukora?

Isaaya 55:7 *“Omubi arekye omuhanda gwe, N’otahikiriire arekye ebiteekateeko bye, Agarukye ahari MUKAMA, abone kumusaasira, Ahari Ruhanga waitu, ahakuba naija kumusaasirira kimwe,”*

11. Nibintu ki ebibiri ebi otahikiriire . ashemereire kukora?
12. Nenki eki Ruhanga arikukorera omuntu orikukora ebyo ebyagambwaho aha ruguru?
13. Shoma Luka 15:7. Nenki ekirikuba omu iguru omusisi omwe kw'arikweteisa?

Luka 15:7 *“Nimbagambira nti: Nikwo n’omu iguru barishemererwa batyo omusiisi omwe orikweteisa, okukira abahikiriire makumi mwenda na mwenda abatarikwetenga kweteisa,”*

14. Shoma Ebyakozirwe Entumwa 3:19. Kworayeteisa kandi okahinduka nenki ekirikuba aha bibi byawe?

Ebyakozirwe Entumwa 3:19 *“Nahabw’ekyo mweteise, muhindukye, ebibi byanyu biragazibwe, ebiro eby’okugaruka obusya bibone kwija okuruga ahari Mukama;”*

EBYOKUGARUKAMU.

1. Shoborora ekigambo ekweteisa.
 - **Kuhinduka okehayo busya.**
 - **Kuhindura entekateka**
 - **Kuhindura omutima okagarukira Ruhanga omurundi gumwe, okaruga omu mihanda yawe okagyendera omu ya Ruhanga**
 - **Kuhindura emigyendere. Ti kuhikirira.**
 - **Nikwo kusharaho okahindurira kimwe emigyendere yamagara gawe.**
 - **Nikwo kurugira kimwe omu migyendere yawe eyiwabaire ogyenderamu okehayo ahari Ruhanga n'emigyendere ye.**
2. Shoma Luka 13:1-5. Twine kukora tuta obutahwerekyerera?
Twine kweteisa.
3. Shoma 2 Petero 3:9. Ruhanga nayendezaki abantu boona?
Boona kweteisa.
4. Shoma Luka 16:19-31. Omu Luka 16:28. Ahabwaki omushaija omutungu yabaire nayenda ngu habeho omuntu aragaruke kuruga omu bafu akagamba na abarumuna be?
Batakaija omu mwanya ogurimu okuhururwa munonga.
5. Shoma Luka 16:30. Niki abarumuna'bashemereire kukora bataza omu mwanya ogwokuhururwa muneena)?
Baine okweteisa.
6. Shoma Ebyakozirwe Entumwa 26:18. Nobu omushororongo ogu gutakugamba aha kweteisa. Nenki ekirabe aha barikweteisa?
 - **Amaisho nigeija kwiguka.**
 - **Nibaruga omu mwirima baza omu mushana.**
 - **Nibaruga omu maani ga Sitaane baza omu ga Ruhanga.**
 - **Basasirwe ebibi.**
 - **Batungye obuhunguzi.**
7. Shoma Ebyakozirwe entumwa 26:20. Omu kicweka ekikushembayo omu mushororongo ogu haliho ebintu bishatu ebi abanyamahanga bashemereire kukora?
 - **Kweteisa.**
 - **Kuhindikira Ruhanga.**
 - **Kuhamya okweteisa kwabo na ebikorwa.**
8. Shoma Matayo 7:21-23. Nenki eki Yesu yabaire nagamba ngu abantu aba nibakora omu mwanya gwokukora okukunda kwa Ruhanga?
Eby'obugomi.

9. Eki nikikworeka ki aha mugasho ogw'okweteisa ogwamazima kutari kugamba bugamba ahari Ruhanga?
Okujunwa nikuruga aha mutima Kutari kugamba bugamba.
10. Shoma Isaaya 55:7. Nenki eki omubi ashemereire kukora?
Arekye emihanda ye.
11. Nibintu ki ebibiri ebi otahikiriire . ashemereire kukora?
Erekye ebitekateko bye agarukire Mukama.
12. Nenki Ruhanga eki arikukorera omuntu orikukora ebyo ebyagambwaho aha ruguru.
Namugirira embabazi, amusasirira kimwe.
13. Shoma Luka 15:7. Nenki ekirikuba omu iguru omusisi omwe kwari kweteisa?
Omu iguru habayo okushemererwa.
14. Shoma Ebyakozirwe entumwa 3:19. Kworayeteisa kandi okahinduka nenki ekirikuba aha bibi byawe?
Ebibi byangye biragazibwa.

EISHOMO 7

OKW'EHAYO

Nebya Don Krow

Luka 14:25 *“Emitwe y’abantu baingi yaamukuratira; Yesu yaabahindukira, yaabagira ati: [26] Omuntu weena, orikwija ahi ndi, atangire ishe na nyina, n’omukazi we, n’abaana be, na beene ishe, na banyaanya, kandi n’amagara ge, tarikubaasa kuba mwegi wangye.”*

“Emitwe y’abantu baingi yaamukuratira; Yesu yaabahindukira, yaabagira ati: ...”
Luka 14:25. Omubwire Obwo omu buherezeza bwa Yesu hakaba hariho abantu baingi ababaire nibamukuratira. Orungyereza tirurikukishoboragye, kwonka oru grika nirukishoborora. Eki nikimanyisa ngu obwire Obwo abantu baingi bakagumizamu obutarekyera aho nibakuratira Yesu. Noshanga bakaba nibakikora ahabwa ebyokutanganza ebiyabaire nakora narishi ebyokurya ebiyabaire nabarisa, tituri kumanya enshonga buzima ahabwaki babaire nibamukurata, kwonka abantu baingi bakaba bamukurata. Aho niho Yesu yahindukire kandi akabagambira ebigambo ebikurebuka nibyo byatumire abantu baingi bahinduka bareka kumukuratira.

“Omuntu weena, orikwija ahi ndi [ekyo nikimanyisa orikwenda kugyenda nanye, arikwenda kushendekyereza, arikwenda nkukurata], atangire ishe na nyina, n’omukazi we, n’abaana be, na beene ishe, na banyaanya, kandi n’amagara ge, tarikubaasa kuba mwegi wangye,” (Luka 14:26). Kunarebire ekyahandiikirwe eki natekateka nti, *“Mukama torikubasa kuba nomanyisa eki. Ekigambo “okwanga” nikimanyisa ki? Nikibasa kuba nikimanyisa okukunda kakye, otarikukimanyisa nari nkenkyo,”* Kunayeyongireyo kushoma nkakijumbura ngu ekigambo eki buzima nikimanyisa *“okwanga,”*

Yesu akozesa ekigambo eky’amani okuhamisiriza enshonga egi. Akagira ngu okwihaho wayanga sho, nyoko, murumuna wawe, munyanyoko, kandi n’amagara gawe, tokubaasa kuba omwegi we. Ninyenda kukubuza eki: omunsi omu nibuzaareki obworikubaasa kugira? Naba ari nyoko nari sho nari omukazi wawe nari baro hamwe n’abaana baawe. Nenki ekirikubaho omukazi wawe yakusigaho, nari shi nyoko na sho baafa? Noha arakugumye akaguma naiwe? Nabaija kuba banyanyoko na barumuna bawe. Yesu akagira ati okwihaho wabanga torikubaasa kuba omwegi we. Nenki ekiyabaire namanyisa?

Yesu ariyo nagamba ahari omukago ogw’obuzaare ogw’origira oguri haihi naiwe. Nakushaba okwehayo kuruga ahari iwe, okwehayo okurikukworeka Yesu kuniwe munyabuzaare orikukirayo. Nayenda kuba nuwe yaba ow’okubanza omu magara gawe. Naza kwegyerageranisa n’obuzaare obu oine omunsi obukuri haihi. Ekigambo *“Kwanga”* nekigambo ekyokwegyerageranisa, nahabwekyo Yesu nagira ngu omukago gw’obuzaare nawe gushemerereire kukira ebintu byoona eby’omunsi. Hariho omuntu omwe oworikukunda kukira nyoko, sho, omwaana wawe, omukazi wawe, murumuna wawe na

banyanyoko. Nomanya omuntu ogwo noha? Ti Ruhanga ... niwe. Noyekunda munonga kukira abandi boona.

Ahabwaki obushwere niburema? Ahabwaki abantu nibataana. Nahabwokuba nibekunda okukira abakundwa baabo? “Torikukikora nkokundikwenda, nahabwekyo twahukane,”

Yesu akagira ngu hariho obuzaare obu arikwenda kuba nibwo bwasinga obundi bwoona – nayenda amagara gawe agorikweyendeza. Obu nibwo obwegyi obw'amaziima. Tarikugamba aha bwegi obutariho muhendo. Natushaba ngu tumukurate. Nashaba abe niwe yaaba owokubanza omu magara gaitu.

EBIBUZO EBY'ABEGI

1. Shoma Luka 9:57-62. Enfumu egi netwegyesaki ahakwehayo ahakukuratira Kristo?

Luka 9:57-62 “Ku baabaire nibagyenda omu muhanda, omushaija yaamugira ati: Niinyija kukukuratira, ahu oraaze hoona. [58] Yesu yaamugambira ati: Zaamuha ziine ebiina, n’enyonyi z’omu mwanya ziine ebyashuri; kwonka Omwana w’omuntu taine na h’okuta omutwe. [59] Yaagambira ondiiho ati: Nkuratira! We yaagira ati: Mukama wangye, reka mbanze ngyende, nziikye tata. [60] Yesu yaamugira ati: Reka abafu baziikye abafu baabo; kwonka iwe, ogyende obuzye hoona obukama bwa Ruhanga. [61] Kandi ondiiho yaagira ati: Ndyakukuratira, Mukama wangye; kwonka reka mbanze ndagye ab’omu ka. [62] Yesu yaamugarukamu ati: Tihariho muntu ovuga ekyoma ekirikuhinga, akareeba enyima, oshemereire obukama bwa Ruhanga.”

2. Shoma Luka 8:13-14. Ahabwaki abantu abamwe nibagwa bakaruga omunyikiriza ey’obukristayo.?

Luka 8:13-14 “Ez’aha rukiri, abo nibo bahurira ekigambo, bakakiikiriza n’okushemererwa; kwonka bataine mizi, bakaikiriza omwanya mukye, kandi omu biro eby’okwohibwa bakagaruka enyima. [14] Ezaagwire omu mahwa, abo nibo bahurira; kwonka bakiba bari omu muhanda bakanyuruzibwa amaganya g’ensi, n’obutungi n’okweshemeza okw’amagara g’ensi egi, ebyana byabo biteere. ”

3. Shoma Ezekieli 16:8. Ruhanga nakozesa obushwere kushoborora obuzaare bwe n’abantu. Omuntu naba ow’oha omu buzaare obu?

Ezekieli 16:8 “Ku naabaire ninkurabaho obundi, naakwetegyereza, naareeba ohikize obunaku bw’okurigerwa; naakunagaho omunagiro gwangye, naajweka enjuuro yaawe, naakurahira, naaragaana naiwe endagaano, waaba owangye; nikwo Mukama RUHANGA arikugira,”

4. Shoma 1 Abakorinso 6:19. Iwe ori ow’oha?

1 Abakorinso 6:19 “Timurikumanya ngu omubiri gwanyu niyo hekalu y’Omwoyo Orikwera ori omuriimwe, ou mwahairwe Ruhanga? Imwe timurikwetegyeka;”

5. Shoma 1 Abakorinso 6:20. Omubiri n’omyoyo gwawe nebyoha?

1 Abakorinso 6:20 “Ahabw’okuba mukagurwa n’obuguzi bwingi. N’ahabw’ekyo muhaise Ruhanga ekitiinisa omu mibiri yaanyu,”

6. Shoma Yakobo 4:4. Nomanya ngu omukago gwensi nobuzigu ahari Ruhanga (obushambani bw’omwoyo)?

Yakobo 4:4 “Imwe bashambani ‘mwe, timurikumanya ngu omukago gw’ensi n’obuzigu

ahari Ruhanga? Nahabw'ekyo omuntu okunda kuba munywani w'ensi, aba ayehindwire omuzigu wa Ruhanga,

7. Nenki ekirikubasa kurebuka nka obushambani obw'omwoyo omu maisho ga Ruhanga? Reeba Abarooma 1:25

Abarooma 1:25 *“Ahakuba amazima ga Ruhanga bakagahindura ebishuba, baaramya ebyahangirwe, baabiheereza okukira Omuhangi orikusiimwa ebiro byona Amiina.”*

8. Shoma Yahaana 2:23-25. Nenki ekiturikwega omu kuruga omukwehayo n'okwikiriza kuruga omu mishororongo egi?

Yohaana 2:23-25. *“Kandi ku yaabaire ari Yerusaalemu omu biro by'obugyenyi bw'Okuhingurwaho, baingi baikiriza eiziina rye, ku baareebire obumanyiso obu yaakozire. [24] Kwonka Yesu tarabeesigire, ahakuba akaba naamanya abantu boona,”*

9. Shoma Luka 14:28-30. Wabariirire omuhendo ogu orikuza kushashura kukuratira Yesu? Noyenda kumukuratira?

Luka 14:28-30 *“N'oha omuriimwe, owaakuba naayenda kwombeka omunaara, atabanze kushutama akabariirira eby'emirimo yaagwo, akamanya ku araabe aine eby'okuguheza; [29] ku yaakuba atatwarize atyo, akiba yaaheza omusingi, akaremerwa aho, abarikukireeba boona bakaatandika kumushekyerera, [30] nibagira bati: Omushaija ogu akatandika kwombeka, tiyaabaasa kuheza,”*

EBY'OKUGARUKAMU

1. Shoma Luka 9:57-62. Enfumu egi netwegyesaki ahakwehayo ahakukuratira Kristo?
Kwehayo buzima omaririre.
2. Shoma Luka 8:13-14. Ahabwaki abantu abamwe nibagwa bakaruga omunyikiriza ey'obukristayo?
Tibaine emizi omu kigambo kya Ruhanga. Okwetenga obugaiga, namashemererwa gamagara g'ensi egi nibibatwara.
3. Shoma Ezekieli 16:8. Ruhanga nakozeza obushwere kushoborora obuzaare bwe n'abantu. Omuntu naaba owoha omu buzaare obu?
Owa Ruhanga.
4. Shoma 1 Abakorinso 6:19. Iwe ori owoha?
Owa Ruhanga.
5. Shoma 1 Abakorinso 6:20. Omubiri n'omyoyo gwawe nebyoha?
Nebya Ruhanga.
6. Shoma Yakobo 4:4. Nomanya ngu omukago gwensi nobuzigu ahari Ruhanga (obushambani bwa omwoyo)?
Eego.
7. Nenki ekirikubasa kurebeka nka obushambani obw'omwoyo omu maisho ga Ruhanga?
Omutima ogumurugireho gukahindikira ebishushane (ebintu eby'ohindwire kuba ebyomugasho kukira Ruhanga). Shoma Abarooma 1:25.
8. Shoma Yahaana 2:23-25. Nenki ekiturikwega omu kuruga omukwehayo n'okwikiriza kuruga omu mishororongo egi?
Yesu nayenda emitima yaitu yoona (ekwehayo okwijwire).
9. Shoma Luka 14:28-30. Wabariirire omuhendo ogu orikuza kushashura kukuratira Yesu? Noyenda kumukuratira?
Eego.

EISHOMO 8

OKUBATIZIBWA OMUMAIZI

Nebya Don Krow

Ekibuuzo: “Ninyenda kumanya yaba nyine okubatizibwa kutaha omw’iguru. Ninkuda Ruhanga kandi nkabatizibwa nyine emyaka mushanju. Hati nyiine emyaka ikumi na munana kandi hariho omuntu omwe kuruga omu kanisa endijo ongizire ngu torikubaasa kujunwa kandi n’okubatizibwa okiri muto. Kandi bangira ngu oine kubatizibwa kubaasa kutaha omw’iguru, kwonka omuka yaitu ey’ababudisiti, negira ngu tikwo kiri. Nyowe ninyenda kuza omw’iguru. Ningyezaho kubaho omu muringo gwoona aha bwa Ruhanga, kwonka ninyenda kumanya yaba nshemereire kubatizibwa ogundi murundi hati obumpikize emyaka erikwetagisibwa kubatizibwa. Ninshaba kunyamba. Juba juba. Mukama abahe omugisha.”

Okugarukamu: Okujunwa n’okusasirwa ebibi nibituheebwa nka ekiconco ahabwa okwikiriza Yesu Kristo. Ebyakozirwe 10:43 negira eti, “*Ogwo niwe baanabi boona baahamize, ngu ahabw’eziina rye omuntu weena orikumwikiriza naihwaho ebibi,*” Nojunwa ahabwa okwikiriza, ekirikumanyisa okwesiga n’okwegamira Yesu neshagama eyiyasesire ngu tube abahikiriire omu maisho ga Ruhanga. Omu Ebyakozirwe 10:44-48. Omwoyo orikwera akaheebwa abaikirize (arikuhamba okujunwa kwabo) obwe batakabatizibwe omu maizi.

Nobu eki kirabe kiri ekyamazima emirundi endijo nikirebuka ngu okusasirwa ebibi kukaba kubaho orikubatizibwa (Ebyakoziwe 2:38). Nahabwokuba okubatizibwa n’ekikorwa ekyokwikiriza ekyabaire kikorwa obu omuntu yabaire ayikiriza Yesu omukweteisa nomu kwikiriza. Mako 16:16, “*Oriikiriza akabatizibwa, aryajunwa; kwonka otariikiriza, aryasingwa orubanja,*” Kandi gukaba guri omuringo gwokutakira Mukama n’okutesharira mishango. (Ebyakozirwe 22:16; na 1Petero 3:21)

Kworabe wajunirwe kimwe oyihire ahamutima aha myaka mushanju kandi okabatizibwa Ruhanga naikiriza okwikiriza kwawe okw’obuto. Okubatizibwa kwiine ebirikwetagisibwa. Kimwe ahabirikwetagisibwa n’okweteisa. Okatunga okuhinduka kw’omutima nebitekateko bikarugamu okuruga omukibi nogaruka ahari Yesu hamwe n’okusasirwa ebibi. (Ebyakozirwe 2: 38, 20:21 na 17:30)? Okata omunkora okwikiriza kwawe omuri Yesu nka Mukama wawe kandi Omujuni wawe? Mako 16:16, Yohaana 3:16 hamwe na Abarooma 10:9-10)? Kwonka kworabe otarakikozire garuka ahari Yesu hati, oyeteise ebibi byawe, garuka ahari embabazi ze akusasire kandi ohamisirize okusharamu kwawe orikumukuratira nobatizibwa omumaizi.

Okubatizibwa nekikorwa ekirikworeka okwikiriza kw’omuntu omuri Yesu. Ekikorwa ekyokubatizibwa omu maizi otine kwikiriza tihaine ekikirikumanyisa. Abantu ababaire baikiriza Yesu nka Mukama kandi omujuni waabo bakaba boreka okwikiriza kwaabo kandi baatura Yesu butunu omu muringo ogu. Abantu abarikugira ngu “ngaha”aha kiragiro kya Yesu niboreka ngu okwikiriza kwaabo kufire. **Okwikiriza nikuba kuri okufiire**

kwaaba kutiine ebikorwa. (Yakobo 2:18-19). Okwikiriza kwonka nikujuna, kwonka okujunwa okwine okwikiriza tukuri kwonka. Kwiine okweyoreka. Okubatizibwa omu maizi nikwo kukworeka okwikiriza **Okubatiza tikwo kurikujuna, Yesu niwe arikujuna. Amaizi tigarikwozyaho ebibi, eshagama ya Yesu niyo eyozya ebibi.** Kwonka okwikiriza nikukozesa eshagama ya Yesu ahari iwe, kandi bumwe na bumwe okwikiriza kukaba kworekwa obw'omuntu yabaire nabatizibwa omu maizi (Ebyakozirwe 22:16). Kambuuzze wareteisize? Noyikiiza (Yesu)? Kukirabe kiri kityo orinzireki, — yimuka obatzibwe omu maizi!

EBIBUZO EBY'ABEEGI

1. Nikibuzo ki omwojo ogu ekyariyo nabuuzza?
2. Okurugirira omu Ebyakozirwe 10:43 okujunwa nikwija kuta?

Ebyakozirwe Entumwa 10:43 *“Ogwo niwe baanabi boona baahamize, ngu ahabw'eiziina rye omuntu weena orikumwikiriza naihwahe ebibi.”*

3. Okubatizibwa n'ekikorwa ky'okwikiriza ekirikubaho kukira munonga ahabwire obwokujunwa. Ebyakozirwe' Entumwa 2:38 neshoborora eta amazima aga?

Ebyakozirwe Entumwa 2:38 *“Petero yaabagarukamu ati: Mweteise, mwena mubatizibwe omu iziina rya Yesu Kristo, mubone kusaasirwa ebibi byanyu; kandi nimwija kuheebwa ekiconco ky'Omwoyo Orikwera,”*

4. Mako 16:16 Amazima aga negashoborora eta?

Mako 16:16 *“Oriikiriza akabatizibwa, aryajunwa; kwonka otariikiriza, aryasingwa orubanja,”*

5. Okubatizibwa nigwo muringo gumwe gw'okutakira Mukama. Ebyakozirwe 22:16 nekishoborora eta amazima aga?

Ebyakozirwe Entumwa 22:16 *“Mbwenu otegyereize ki? Imuka, obatizibwe, oyogye ebibi byawe, otakire eiziina rye,”*

6. Okubatizibwa n'omuringo gw'okutakira Mukama ahabwokugira omutima gwokutesharira mushango. 1 Petero 3:21 nehamya amazima aga?

1 Petero 3:21 *“Amaizi ago niky'o kishushani ky'ago agabakiza omu kubatizibwa, ti kwihaho nziro z'omubiri, kureka n'endagaano y'omutima ogutarikweshinja ahari Ruhanga, kandi ebajuna ahabw'okuzooka kwa Yesu Kristo,”*

7. Nenki ebirikwetagisibwa kubatizibwa okurugirira omu Ebyakozirwe Entumwa 2:38?

Ebyakozirwe Entumwa 2:38 *“Petero yaabagarukamu ati: Mweteise, mwena mubatizibwe omu iziina rya Yesu Kristo, mubone kusaasirwa ebibi byanyu; kandi nimwija kuheebwa ekiconco ky'Omwoyo Orikwera,”*

8. Nenki ebirikwetagisa kubatizibwa okurugirira omuri Mako 16:16?

Mako 16:16 *“Oriikiriza akabatizibwa, aryajunwa; kwonka otariikiriza, aryasingwa orubanja,”*

9. Omwana muto nabaasa kweteisa?
10. Omwana muto nabaasa kwikiriza?
11. Shoma Ebyakozirwe Entumwa 10:44-48. Eidara erindi eririkukurataho waheeza kwikiriza Kristo niriha?

Ebyakozirwe Entumwa 10:44-48 *“Petero ku yaabaire naakigamba ebigambo ebyo, Omwoyo Orikwera yaashuuma ahari boona abaabaire nibahurira ekigambo. [45] Abaikiriize ab’omu bashazirwe, abaizire na Petero boona, baatangaara ahabw’Abanyamahanga nabo kushukwaho ekiconco ky’Omwoyo Orikwera. [46] Ahakuba bakabahurira nibagamba “omu ndimi”, nibahimbisa Ruhanga. Petero nikwo kubuza ati: [47] Abantu aba abaaheebwa Omwoyo Orikwera nkaitwe, hariho orikubaasa kubaima amaizi ngu batabatizibwa? [48] Yaaragiira ngu babatizibwe omu iziina rya Yesu Kristo. Bwanyima baamweshengyereza kumarayo ebiro bikyey.”*

EBY'OKUGARUKAMU

1. Nikibuzo ki omwojo ogu ekyariyo nabuuzza?
Yaba arikwetenga kubatizibwa kuza omw'iguru.
2. Okurugirira omu Ebyakozirwe 10:43 okujunwa nitukutunga tuta?
Nekyabusha nitukutunga nka ekiconco waikiriza Yesu Kristo.
3. Okubatizibwa ne kikorwa ky'okwikiriza ekikubaho kukira munonga ahabwire obwokujunwa. Ebyakozirwe' Entumwa 2:38 neshoborora eta amazima aga?
Petero akagira "mweteise kandi mubatizibwe,"
4. Mako 16:16 Amazima aga negashoborora eta?
Yesu akagira ati ogwe ariikiriza akabatizibwa aryajunwa"ekirikumanyisa okwikiriza n'okubatizibwa nibibaasa kubaho aha murundi gumwe.
5. Okubatizibwa nigwo muringo ogumwe gw'okutakira Mukama. Ebyakozirwe 22:16 nekishoborora eta amazima aga?
Ekyahandiikirwe eki nikigira ngu omuntu orikutakira eizina rya Mukama ebibi bye biryamwogibwaho. Nikirebuka okutakira eizina rya Mukama nobaasa kukigamba (Luka 18:13) narishi omu kikorwa ky'kubatizibwa nkokukiri omu kyahandiikirwe eki.
6. Okubatizibwa n'omuringo gw'okutakira Mukama ahabwokugira omutima ogwo'kutesharira mushango. 1 Petero 3:21 nehamya amazima aga?
Eego.
7. Nenki ebirikwetagisibwa kubatizibwa okurugirira omu Ebyakozirwe Entumwa 2:38.
Kweteisa.
8. Nenki ebirikwetagisa kubatizibwa okurugirira omuri Mako 16:16?
Omuntu nateekwa kwikiriza.
9. Omwana muto nabaasa kweteisa?
Ngaha.
10. Omwana muto nabaasa kwikiriza?
Ngaha.
11. Shoma Ebyakozirwe Entumwa 10:43-48. Eidara erindi eririkukurataho waheza kwikiriza Kristo niriha?
Kubatizibwa omu maizi.

EISHOMO 9

NDI OHA OMURI KRISTO - EKICWEKA 1

Nebya Andrew Wommack

2 Abakorinso 5:17: *“Nahabwèkyo omuntu weena, ku aba ari omuri Kristo, aba ari ekihangirwe kisyá; ebya kare biba bihweire, reeba byona biba bihindukire bisya,”* Engamba egi “omu Kristo” kikoze sibwe emirundi nka 300 omu ndagaano ensya, buriyo nikitworeka obumwe oburi omumukago gwaitu na Ruhanga. Ekyo kyaheza kubaho, ohinduka ekihangirwe ekisyá.

Eki nikirugamu ekindikwikiriza ngu nikipuru munonga kumanya ori ekihangirwe ekisyá omuri Kristo: Tikirabireho omu mubiri. Tikirikugamba aha mubiri gwawe ogurikurebeka, ngu gukahinduka. Gukaguma nka okugwabaire guri. Omuntu kwarabe yabaire ari muhango atakajunirwe yaheza kujunwa omubiri tigurikuhinduka okwihaho yaaza kwekyendeza. Kandi tikirikugamba aha kicweka kyawe eky’ebitekyerezo nari nkoku ohurira –abantu abaingi bagira ngu ebitekateko nibyo muntu buzima. Kworikuba wabaire otine magyezi otakajunirwe, torikwija kugira magyezi agahingurine waheza kujunwa, kwonka noiya kuguma oine ebitekateko bimwe nkebiwabaire oine otakajunirwe.

Hariho ekicweka ekyakashatu, kandi okurugirira ahakyahandiikirwe eki, kworikukozesa omuringo gwokwihaho, kiine kuba nikyo kicweka kyaitu aharitwe ekyahindikire – omuntu waitu ow’omwoyo. Ekyahandiikirwe ekirikuhamya eki kiri omu 1 Abatesalonika 5:23. Paulo arikushabira Abatesalonika, *“Ruhanga mukama w’obusingye we wenka abeereze kimwe; kandi emyoyo yaanyu n’amagara gaanyu n’emibiri yaanyu birindwe gye, bishangwe bitaine ki birikuhamba aha kiro ky’okwija kwa Mukama waitu Yesu Kristo,”* Ekyahandiikirwe eki nikyoreka ngu twiine omwoyo, amagara, n’omubiri. Omubiri gwe nigurebeka, nekicweka eky’omuntu ekirikurebeka. Twena nitumanya ngu hariho ekicweka ekindi omuri itwe eky’ebitekateko, nempurira yaitu omubyahandiikirwe ekikwetwa amagara. Nitukumanya ngu omuntu nobu yakuba atakukwasire aha mubiri kwonka ebigambo ebyarikugamba nibibaasa kukukwataho, omu muringo mubi nari murungi. Abantu abaingi nibakira kumanya ebyo omubiri n’amagara, kwonka okurugirira ahakyahandiikirwe hariyo ekicweka ekindi kandi ekicweka eki nigwo mwoyo.

Omwoyo nikyo kicweka kyaitu ekirikuhinduka kandi kikaba kisyá waheza kujunwa. Nikyo kituha amagara buzima. Yakobo 2:26 nagira, *“Ahakuba nk’omubiri ogutarimu mwoyo oku guba gufiire, nikwo n’okwikiriza okutaine kukora kuba kufiire,”* Ekyo nikyoreka ngu omwoyo niwe otwisyamu amagara omu mibiri yaitu. Niyo amagara gaitu garuga. Omu Kutandika 2 Ruhanga kuyahangire Adamu na Haawa, omubiri gwa Adamu gukaba gwijwire, kwonka nabwe Ruhanga akaisyá omwisyo gw’amagara. Ekigambo “omwisyo” Abaheburayo omundagano aya ira nikyo kigambo kimwe ekibabaire bakozesa barikukyeta omwisyo. Nikyo kikuvunurwa nka “omwoyo”. Ruhanga akahanga omubiri gwa Adamu, hamwe nekicweka eky’amagara, haza yaisyá omwisyo gw’amagara yabona kuba ohurire.

Omwoyo nikyo kicweka ahari itwe ekituha amagara.

Okujunwa kutakabaireho, omuntu atakehireyo, kandi na Mukama atakaizire omu magara ge, omwoyo ow'omunda ye akaba afire. Abaefeso 2:1, negira, *"Kandi naimwe akabahindura abahuriire, obu mwabaire mufeereire omu bibi n'omu by'okushiisha byanyu,"* Nitukimanya ngu tukaba turi abahurire tutakajunirwe, kwonka ekigambo okufa nikigamba ahabya omwoyo. Omuri baibuli okufa tikirikumanyisa ngu amagara gakoma aho nkonku abantu barikutekateka. Eki nikimanyisa "okutaana," Omuntu kwarikufa tikirikumanyisa ngu yahwaho takiriho. Baibuli neshomesa ngu omuntu ogwo nagyenderaho ahonaho omumaisho ga Ruhanga nari shi gehena. Amagara n'omwoyo bigumizamu bihurire, kwonka bitaana kuruga omu mubiri oguri kufa gukajunda.

Okutandika 2:17 kw'erikugira ngu *"eizooba eri origuryaho, buzimazima oryafa,"* Kikaba kitarikumanyisa okufa kw'omubiri kureka okw'omwoyo, okwabareteire kutaana kuruga ahari Ruhanga. Omwoyo, nigwo mwisyo Ruhanga ogwarikwisya omuri itwe, nigwo gutuha amagara buzima nomuhimbo, gukataana kuruga aha magara ga Ruhanga agomutano ... baibuli agerikweta "zoe" "amagara" nari amagara maingi omu bwijwire. Aho omuntu akatandika kosisikara bataanire. Nobubarabe bagumizemu nibakura, kwonka bakaba bari ahabwabo, batanire kuruga ahari Ruhanga. Ekyo nikyo kyarugirireho ebizibu byona omu magara gaitu.

Omuntu kwarikwija ahari Mukama, aheebwa omwoyo musya azarwa obwa kabiri, eki Yesu yakozise omuri Yohaana 3:5. Omu muringo gumwe omuntu nikwo arikuzarwa omu mwoyo, omu mutima, kandi nomu mubiri kwakuheza kujunwa, kwarikujunwa aheebwa omwoyo wa Kristo. Abagalatia 4:6 negira. *"Kandi imwe ahabwokuhinduka abaana, Ruhanga akatuma omwoyo w'omwana we omu mitima yaitu obagambisa ati Abba, taata,"* Ruhanga natuha omwoyo we omunda omuri itwe kandi twiine amagara amasya kandi amarungi, enshusha yaitu ensya, kandi omu myoyoyaitu turi basya.

Amagara g'obukristayo obusigaire nokuhindura busya entekateka yaitu ekaikirizana nekyabaho omu mwoyo. Ekyamazima kiri ngu kimwe kyakashatu kyokujunwa kwawe nikihwa waheza kwikiriza Kristo nka Mukama wawe. Omwoyo wawe ahindikira kimwe buzima. Niwe mwoyo woriguma nawe ebiro byona. Aine okukunda, kushemererwa n'obusingye, kandi aijwire okubaho kwa Ruhanga. Tihariho kuburwa nari obutamarwa omu mwoyo wawe, kwonka oine kukimanya niyo nshoga ahabwaki omukristayo aine kuguma nashoma ekigambo kya Ruhanga. Ori omuntu musya buzima, kwonka waba otakimanyire torahindukye. Obusinguzi bwamagara g'omukristayo niwaba nobaasa kushoma ekigambo kya Ruhanga, kandi nigo magaraa n'omwoyo, orebe ekyori omu mwoyo, orebe Mukama ekiyakozire, otandike okukiikiriza.

EBIBUZO EBY'ABEEGI.

1. Shoma 2 Abakorinso 5:17. Omuntu weena kwaba ari omuri Kristo aba ahindukire ki?

2 Abakorinso 5:17 “N’ahabw’ekyo omuntu weena, ku aba ari omuri Kristo, aba ari ekihangirwe kisy; ebya kare biba bihweire, reeba byona biba bihindukire bisya,”

2. Shoma 2 Abakorinso 5:17. Nenki ekiba aha bintu ebyakare?
3. Shoma 2 Abakorinso 5:17. Ni bintu ki ebihinduka ebisya?
4. Shoma Abaefeso 2:1. Obu wabaire otakajunirwe okaba ori ota?

Abaefeso 2:1 “Kandi naimwe akabahindura abahuriire, obu mwabaire mufereire omu bibi n’omu by’okushiisha byanyu,,”

5. Shoma Abaefeso 2:2. Nk’omuntu owabaire atakajunirwe, okaba notwaza ota?

Abaefeso 2:2 “Ebi mwabaire mugyenderamu ira nimukuratira emitwarize y’ensi egi, kandi n’okukuratira omukama w’obushoborozi bw’omu mwanya gw’ahaiguru, nigwo mwoyo ogurikukorera hati omu batarikuhurira,”

6. Shoma Abaefeso 2:3-5. Ruhanga n’omutungi omuri ki?

Abaefeso 2:3-5 “Kandi naitwe twena tukaba tubarimu, nitukuratira okurigira okubi kw’emibiri yaitu, nitukora ebi emibiri yaitu n’ebiteekateeko byaitu byetenga; kandi ahabw’obuhangwa bwaitu tukaba turi ab’okugirirwa ekiniga nk’abandi boona. [4] Kwonka Ruhanga ahabw’okuba omutungi w’embabazi, omu kukunda kwe kwingi oku yaatukunzire, [5] n’obu twabaire turi abafu omu by’okushiisha byaitu, akatuhindura abahuriire hamwe na Kristo, (mukajunwa ahabw’embabazi),”

7. Shoma Abaefeso 2:4. Ahabwaki Ruhanga n’ow’embabazi nyingi?
8. Shoma Abaefeso 2:5. Ruhanga akatukoreraki obutwabaire tuferiire omubibi n’ebyokushisha byaitu?
9. Shoma Abaefeso 2:5. Ruhanga akatujuna ata?
10. Shoma 1 Abakorinso 6:9-10. Oineho Okumanya omuri ebi ebyahandikiirwe.

1 Abakorinso 6:9-10 “Timurikumanya ngu abatahikiriire tibarihungura bukama bwa Ruhanga? Mutaribehwa; abashambani, nari abarikuramya ebishushani, nari abeegira abakazi, nari ebiringwa, [10] nari abashuma, nari abeetengi, nari abasinzi, nari abajumi, n’obu baakuba abanyagi, abo boona tibarihungura bukama bwa Ruhanga,”

11. Shoma 1 Abakorinso 6:11. Ekigambo “mukaba” nekya hati, ekya ira, nari ekyo mu maisho.

1 Abakorinso 6:11 *“Kandi bamwe omuriimwe mukaba muri nka bo; kwonka mukoogibwa, mwayezibwa, mwaihwaho orubanja omu iziina rya Mukama waitu Yesu Kristo n’omu Mwoyo wa Ruhanga,”*

12. Shoma 1 Abakorinso 6:11. Kuwaherize kujunwa “kuzarwa obwa kabiri” nibintuki bishatu ebyakubireho?

13. Shoma Abakorinso 6:11. Eki nekya obwa ira obwahati nari ekyobwire oburija?

14. Shoma Abakorinso 6:17. “Ogwe aba ateraine na Mukama aba...? nawe,”

1 Abakorinso 6:17 *“Kwonka oteraine na Mukama nibaba omwoyo gumwe,”*

EBY'OKUGARUKAMU

1. Shoma 2 Abakorinso 5:17. Omuntu weena kwaba ari omuri Kristo aba ahindukire ki?
Ekihangirwe ekisya.
2. Shoma 2 Abakorinso 5:17. Nenki ekiba aha bintu ebyakare?
Bihwaho.
3. Shoma 2 Abakorinso 5:17. Ni bintu ki ebihinduka ebisya?
Byona.
4. Shoma Abaefeso 2:1. Obu wabaire otakajunirwe okaba ori ota?
Nkaba nfereire omubibi n'Omubyokushisha.
5. Shoma Abaefeso 2:1. Nk'omuntu owabaire atakajunirwe, okaba notwaza ota?
Nkaba ninkuratira emitwarize yensi, nkandi ninkuratira sitaane (omukama w'obushoborozi obwomumwanya bwahiguru) kandi nkaba ndi nyine omwoyo gwobugomi.
6. Shoma Abaefeso 2:3-5. Ruhanga n'omutungo omuri ki?
Omu kusasira.
7. Shoma Abaefeso 2:4. Ahabwaki Ruhanga embabazi nyingi?
Ahabwokutukunda munonga.
8. Shoma Abaefeso 2:5. Ruhanga akaturakeraki obutwabaire tuferiire omubibi n'ebiyokushisha yaitu?
Akatuhindura abahurire hamwe na Kristo.
9. Shoma Abaefeso 2:5. Ruhanga akatujuna ata?
Akatujuna ahabwa embabazi ze.
10. Shoma 1 Abakorinso 6:9-10. Oineho Okumanya omuri ebi ebyahandikiirwe.
Eego.
11. Shoma 1 Abakorinso 6:11. Ekigambo "mukaba" nekya hati, ekyira, nari ekyo mu maisho.
Ekyira ira.
12. Shoma 1 Abakorinso 6:11. Kuwaherize kujunwa "kuzarwa obwa kabiri" nibintuki bishatu ebyakubireho?
Mukogibwa, mwayezibwa, mwihwaho orubanja (mwahindurwa abahikiriire .) omu maisho ga Ruhanga.

13. Shoma Abakorinso 6:11. Eki nekya obwa ira obwahati nari ekyobwire oburija?
Nekya hati.
14. Shoma 1 Abakorinso 6:17. “Ogwe aba ateraine na Mukama aba... nawe,”
“Ogwe aba ateraine na Mukama aba **omwoyo omwe** nawe,”

EISHOMO 10

ENSHUSHA Y'OMUNTU OMURI KRISTO - EKICWEKA 2

Nebya Andrew Wommack

Omu ishomo erihweire tukaganira ekikirikumanyisa kuba omujunwa, ngu omu mwoyo gwaitu gukahinduka Tukakozesa 2 Abakorinsoo 5:17, erikugira *“Nahabw'ekyo omuntu weena, ku aba ari omuri Kristo, aba ari ekihangirwe kisy; ebya kare biba bihweire, reeba byona biba bihindukire,”* Tukatandika kureeba ngu omuntu kw'ajunwa, ahindukira kimwe omu mwoyo kandi omuringo gwonka okworikubaasa kumanya ekyabaho omu mwoyo gwawe nokuraba omu kigambo kya Ruhanga. Torikubaasa kuyetegyereza nebintu ebirikureebwa, nari torikubaasa kuyetegyereza okworikuba noyehurira ahabwokuba ekyo kiri omu ntekateka (eki Baibuli erikweta amagara), kwonka omukicweka kyaitu ekya omwoyo gwawe harimu okuhindukira kimwe buzima.

Kankozeseho bikye aha byahandiikirwe ebirikworeka ebintu ebirikubaho omuntu yajunwa akakiira Yesu omu magara ge. Abaefeso 4:24 negira *“mujware omuntu ondiijo omusya, owaahangirwe omu nshusha ya Ruhanga omu kuhikiirira n'okwera okw'amazima,”* Omuntu kwarikuheza kujunwa, omwoyo gwe guhinduka guba oguhikirire kandi ogurikwera ogw'amazima Baibuli negamba aha miringo ebiri eyokuhikiirira.

Hariho okuhikiirira okuturikwemorera nituraba omu bikworwa byawe, kandi oshemereire kuguma nokuhikiirira oku omunkoragana yawe nabandi bantu. Kworabe otari murungi nebyokukora bitari birungi mukama wawe nabaasa kukubinga aha murimo, nari nimubaasa kuremwa obushwere iwe n'omukundwa wawe, nahabw'ekyo oine kuba oine okuhikiirira okwawe okw'obuntu. Kwihaho Ruhanga tarikukwikiriza nayihirira aha bikorwa byawe ebirungi nk'omuntu. Ruhanga niwe yakuhaire okuhikiirira kwe nka ekiconco.

2 Abakorinso 5:21: Negira ngu Ruhanga taata akamuhindura ekibi ahabwaitu ngu tuhindukye okuhikiirira kwa Ruhanga omuri Kristo. Nahabw'ekyo hariho okuhikiirira okurikukira okuhikiirira okw'obuntu, okwegamire aha ki Ruhanga yatukorire. Omu mazima tukatunga okuhikiirira kwa Ruhanga ahabw'okwikiriza Kristo. Tukahangwa omu kuhikiirira n'okwera okw'amazima. Tituriyo nitukura omu kuhikiirira okwe twaherize kuba abahikiirire .. Nikishobororwa ngu turi abahikiirire . omu maisho ga Ruhanga.

Ruhanga natushemererwa ahabwa Yesu Kristo, hatari kintu ekindi kyona. Omu mwoyo nimwo empinduka eri. Tukahangwa omu kuhikiirira, n'omukwera okw'amazima kandi turi ebihangirwe bisya. Okurugirira aha Abaefeso 2:10, *“Ahakuba turi ebihangirwe bye, ebi yaahangiire omuri Kristo Yesu okukora emirimo emirungi, ei Ruhanga yaateekateekire ira, ngu tube niyo twagyenderamu.”* Omu myoyo yaitu titwiine kamogo kandi titwiine ekirikutuburaho. Tihariho ekibi nari ekitutaine. Abaefeso 1:13 negira, *“Kandi naimwe, ku mwaherize kuhurira ekigambo ky'amazima, niyo ngiri y'okujunwa kwanyu, mukaikiriza Yesu,*

mwahamibwa omuriwe n'akamanyiso k'Omwoyo Orikwera owaaraganisiibwe,"

Abamwe ahar' imwe nimubaasa kutekateka muti, "Kare obunabanza kwikiriza Mukama, nkikiriza ngu nkasasirirwa kimwe kandi nayogibwa byoona bikaba birungi, Kwonka kwiiha obwe nkashisha narebya Ruhanga ogundi murundi," Kworikuba waremerirwe okaremererwa omu bikorwa hamwe n'omubitekateko kwonka omwoyo gwawe tigukashishaga. Ruhanga akabahamya kumwajunirwe mwaheebwa omwoyo omusya, kandi ekibi tikikabaasa kuhika omu mwoyo wawe. Ori ekihangirwe ekisya. Iwe kubaasa kugira omukago hamwe na Ruhanga kumuramya gye oshemereire kurugirira ahabuhangwa bwawe obusya omu mwoyo hatari mu mubiri gwawe.

Eku nikwo kuhindurwa okwa amaani omu magara g'omukristayo ; ngu omuntu aine kuhindura enshushana ye ey'omunda. Noyetenga kukoragana na Ruhanga otarikurugirira aha bikorwa ebiri kureebwa namaisho, nari bitari bitekateko byawe kureka kurugirira Okwori omusya omu mwoyo kurugirira ekiyakukorire. Ogwe nigwo murimo oguhweire ogutarikuhindahinduka. Okahangwa omu kuhikirira nokwera okw'amazima. Ekyo nikyo kicweka kyawe eky'omwoyo kandi kuba hamwe na Ruhanga, oine kumuramya omu mwoyo n'omumazima. Oine kuhamira nkoku ori omu buhangwa bwawe obusya omuri Kristo Yesu.

EBIBUZO EBY'ABEEGI

1. Shoma 1 Abakorinso 6:17 Omuhanda gumwe gwonka okuturikubasa kumanya ngu hariho ngu emyoyo yaitu ehindukire kimwe n'ahabwa ekigambo kya Ruhanga. 1 Abakorinso 6:17 negira ngu nenki Ekyatubaireho?

1 Abakorinso 6:17 *“Kwonka oteeraine na Mukama nibaba omwoyo gumwe,”*

2. Shoma Abaefeso 3:17. Kristo natuura nkahi?

Abaefeso 3:17 *“Ngu Kristo abone kutuura omu mitima yaanyu ahabw'okwikiriza; ku muraatheze kutsimba emizi omuri rukundo, mwahamiramu,”*

3. Shoma Abaefeso 3:17. Eki nikibaho kita?

4. Shoma 1 Yohaana 5:12. Noha owutushemereire kuba twine kubaasa okujunwa?

1 Yohaana 5:12 *“Omuntu oine ogwo Mwana niwe aine amagara; otaine Mwana wa Ruhanga taine magara”*

5. Shoma Abakolosayi 1:26-27. Enama neha eyabaire esherekirwe kwiha ira ryona n'obusingye bwona, kwonka hati emanyirwe?

Abakolosai 11:26-27 *“niyo naama eyaasherekirwe okwiha ira ryona n'obusingye bwona, kwonka hati emanyirwe abarikwera be. [27] Nibo Ruhanga yaasiimire kumanyisa obutungu bw'ekitiinisa ky'enaama egi oku eri omu Banyamahanga; enaama egyo ni Kristo okuba omuriimwe, niwe matsiko g'ekitiinisa,”*

6. Shoma Abaefeso 4:23-24. Nenki ekyahindwirwe omukuhikirira hamwe n'omukwera?

Abaefeso 4:23-24 *“Muhindurwe basya omu mwoyo gw'obwengye bwanyu, [24] mujware omuntu ondiiho omusya, owaahangirwe omu nshusha ya Ruhanga omu kuhikiirira n'okwera okw'amazima,”*

7. Shoma 2 Abakorinso 5:21. Okuhikiirira twine okwoha?

2 Abakorinso 5:21 *“Ahakuba Ogwo otaramanyire kibi Ruhanga akamuhindura ekibi ahabwaitu, ngu omuriwe tuhindukye okuhikiirira kwa Ruhanga,”*

8. Shoma Abaefeso 1:4. Omwikiriza ayemerera ata omu maisho ga Ruhanga?

Abaefeso 1:4 *“Nk'oku yaatutooraniire omuriwe ahabwa rukundo, ensi etakahangirwe, ngu tube abarikwera abataine kamogo omu maisho ge,”*

9. Shoma Abaefeso 1:9. Twikirizibwa tuta?

Abaefeso 1:6 *“Ngu embabazi ze ez’ekitiinisa zisiimwe, ezi yaatuheereire busha omuri Ogwo ou akunda,”*

EBY'OKUGARUKAMU

1. Shoma 1Abakorinso 6:17 Omuhanda gumwe gwonka oguturikubaasa kumanya ngu hariho ngu emyoyo yaitu ehindukire kimwe n'ahabwa ekigambo kya Ruhanga.
1 Abakorinso 6:17 negira ngu nenki ekitubaireho?
Omwoyo gwaitu guba gumwe guteraine na Mukama.
2. Shoma Abaefeso 3:17. Kristo natuura nkahi?
Omu mitima yaitu.
3. Shoma Abaefeso 3:17. Eki nikibaho kita?
Ahabwa okwikiriza.
4. Shoma 1 Yohaana 5:12. Noha owutushemereire kuba twine kubaasa kujunwa?
Omwaana (Yesu Kristo).
5. Shoma Abakolosayi 1:26-27. Enama neha eyabaire eyesherekire kwiha ira ryona n'obusingye bwona, kwonka hati emanyirwe ?
Kristo omuritwe niwe amastiko agekitinisa.
6. Shoma Abaefeso 4:23-24. Nenki ekyahindwirwe omukuhikirira hamwe n'omukwera?
Omuntu waitu omusya (Omwoyo waitu ozairwe busya).
7. Shoma 2 Abakorinso 5:21. Okuhikiriira twine okwoha?
Okuhikiriira kwa Ruhanga omuri Kristo Yesu.
8. Shoma Abaefeso 1:4. Omwikiriza ayemerera ata omu maisho ga Ruhanga?
Arikwera kandi atine kamogo.
9. Shoma Abaefeso 1:9. Twikirizibwa tuta?
Omuri owakunda (Yesu Kristo).

EISHOMO 11

NENKI EKIRIKUBAHO OMUKRISTAYO KWARIKUSHIISHA

Nebya Don Krow

Er'izooba nitwenda kureeba aha ishomo erikugira ngu “nenki ekirikubaho omukristayo kwarikushiisha?” Baibuli netugira omu 1 Yohaana 1:8-9, “*Ku tugira ngu titwine kibi, tuba nitwebeiha, kandi tuba tutaine mazima. [9] Ku twatura ebibi byaitu, niwe w'okwesigwa kandi ohikiriire kutusaasira ebibi n'okutwozyaho eby'okutahikiirira byona,*” NK'abakristayo nitwija kushanga twashobize kandi ahamuheru tweshange tusiisire. Nenki ekirikututanisa obutaba nk'obutwabaire tutakahindukire busya. Okushisha nikutukwasa enaku tubura obusingye. Titurikwenda kushiisha. Nitwetenga kuguma turi abahikiirire, kwonka nenki ekirikubaho twaheza kushisha? Nitwetaga kugarukamu tukajunwa busya? Okwe nikwo baibuli erikwegyesa? Kyaba kiri kityo biri obwo titwiine ekitwegamire omubyokujunwa kwaitu nitukiraho omububi abatakajunirwe. Ahabwokuba otakajunirwe ekibi tihaine kikimukwataire. Nka abikiriza, ekibi tikyo tushemereire kuba twaguma tutaireho amaisho turikukitekatekaho. Abaheburayo 10:2 negira ngu Yesu Kristo kuba ekitambo, omwikiriza tashemereire kuba natekateka aha kibi. Narishi amaisho gaitu titushemereire kuguma tugahangire ekibi kureka tugume tugahangire Ruhanga.

Abarooma 4:2 negira, “*Ahabw'okuba Abrahamu, kuri yaihirweho orubanja ahabw'emirimo, akaagizire eky'okwehimbisizaho, kwonka takiine ahari Ruhanga,*” Kuri nogira ngu okujunwa kukaba nikurugirira aha bintu ebirungi ebiturikukora, aho tukabaire nitwehimbisa. Tukabaire nitugira, “Mukama, ninsiima ebiwakoire aha musharaba kwonka ijuka nanye ebinkozire!” Ebiro n'ebiro, tukabeire nitusiima Yesu, kwonka neitwe tweshuna ho, ahabw'ebirungi ebitukozire. Ngaha! Ruhanga akatekateka okujunwa omu muringo ngu hataribaho okwehimbisa nari okweha ekitinisa. Ekitinisa n'okwehimbisa bishemereire kuba omuri Mukama waitu Yesu Kristo (Abarooma 3:27). Ekiconco ky'amagara agatahwaho buzima n'ekiconco kandi torikubaasa kukikorera (Abarooma 6:23).

Abarooma 4:2 negira ngu kurinogira ngu Abrahamu akahebwa okuhikiirira ahabwa ebikworwa bye, akabaire aine enshonga eyokwehimbisa, kwonka tikwe kyabaire. Ebyahandiikirwe nibigira ngu omuntu najunwa ata? Ahabwa ebikorwa bye? Abrahamu akabarirwa ata okuhikiirira nari akarangirirwa ata kuba ohikirire? Kikaruga omu bintu ebiyakozire nari ebyatarakozire, ninga akikiriza yayesiga, kandi yayegama ahari Ruhanga obwe arikwikiriza Ruhanga? Baibuli negira omu Abarooma 4:3, “*Abrahamu akaikiriza Ruhanga, kyamubarirwa okuba okuhikiirira,*”

Nenki ekirikumpamy kandi nkaguma hamwe nkabura kuhwerekyerera, nobuharabe hariho obwiire obundikuremwa nkashiisha? Kiri kiti Yesu akekorera ebibi byangye byona aha musharaba, kandi omukumwikiriza (tihabwa ebikorwa byangye) nkaihwaho omushango. (nkahindurwa ohikiriireomu maisho ga Ruhanga).

Abarooma 4:6 negira “*N’oku Daudi nawe yaagambire aha mugisha oguheebwa omuntu ou Ruhanga abarira okuhikiirira, okutari habw’okukora emirimo,*” Daudi ow’omundagaano eya ira nagira ngu harabaho eizooba omu ndagano ensya, Ruhanga obwaribarira okuhikiriira, okwemerera okuhikirire okwomuntu atakorire. Omu mushororongo ogwa mushanju neyeyongyera egira, “*Baine omugisha abasaasiirwe eby’okushiisha byabo, N’ebibi byabo bikashwekwa*”. Aga nigo makuru marungi (Abarooma 4:7). Tarikugira ngu tarikubaasa, obundi tarikubaasa, obundi nabaasa. Abaheburayo 10:16 negira, “*Egi niyo ndagaano ei ndiragaana nabo Bwanyima y’ebiro ebyo, nikwo Mukama arikugira, Ndyata ebiragiro byangye omu mitima yaabo, kandi mbihandiikye omu bwengye bwabo,*” Kandi ekicweka ekya endaagano kiri omu mushororongo ogwa 17 negira: “*Ebibi byabo n’ebiy’okushiisha byabo tindibijuka bundi,*”

Nenki ekikukwatirire omu mwanja ogwo ogw’obuhikirire, otine kamogo nobu wakushisha otine bwiire bwokweteisa ekibi ekyo? Okwikiriza kwawe omuri Yesu Kristo. Eizina rye ni Yesu najuna abantu kuruga omu bibi byabo (Matayo 1:21).

EBIBUZO EBY'ABEEGI.

1. Shoma Abarooma 4:5. Ruhanga aihaho orubanja abantu abari bata...?

Abarooma 4:5 *“Kwonka otakora mirimo, akaikiriza Ogwo oiha orubanja aha batatiina Ruhanga, okwikiriza kwe kumubarirwa okuba okuhikiirira,”*

2. Shoma Abarooma 4:2-3. Ruhanga hariho ekiyabarire Abrahamu ah'abwokwikiriza ekiyabaire ataine. Eki kikaba kiri ki?

Abarooma 4:2-3 *“Ahabw'okuba Abrahamu, kuri yaihirweho orubanja ahabw'emirimo, akaagizire eky'okwehimbisizaho, kwonka takiine ahari Ruhanga. [3] Ebyahandiikirwe nibigira bita? Biti: Abrahamu akaikiriza Ruhanga, kyamubarirwa okuba okuhikiirira,”*

3. Shoma Abarooma 4:22-24. Kuturi kwikiriza nka Abrahamu okuyaikirize Ruhanga naija kutubarira ki?

Abarooma 4:22-24 *“Nikyo okwikiriza kwe kwamubariirwe okuba okuhikiirira. [23] Tikiramuhandiikirwe wenka, ngu kikamubarirwa okuba okuhikiirira, [24] kureka ahabwaitu naitwe abaribarirwa okuhikiirira, itwe abarikwikiriza Ogwo owaazoire Yesu Mukama waitu omu bafu;”*

4. Shoma Abarooma 4:6. Ruhanga abaririra omuntu okuhikiirira:

- A. Okurugirira aha bikorwa byabo.
- B. Hatariho ebikorwa byabo.
- C. Okurugirira aha burungi bwabo.

Abarooma 4:6 *“Nk'oku Daudi nawe yaagambire aha mugisha oguheebwa omuntu ou Ruhanga abarira okuhikiirira, okutari habw'okukora emirimo,”*

5. Shoma Abaheburayo 10:14. Abarikwikiriza bezibwa omu maisho ga Ruhanga kumara mwanya ki?

Abaheburayo 10:14 *“Ahakuba abarikwezibwa akabahikiiriza ahabw'ekitambo kimwe yaaheza okumara ebiro byona,”*

6. Shoma Abarooma 5:17. Okuhikiirira tukwakira:

- A. Nitukukukorerera.
- B. Nka ekiconco.
- C. Nka ekiheneso.

Abarooma 5:17 *“Ekicumuro ky'omuntu omwe ku kiraabe kyareeteire rufu okwema*

ahabw'ogwo, okukira munonga abaakiira ezo embabazi nyingi munonga nekiconco ky'okuhikiirira, baryayemekwa omu magara masya ahabw'omwe niwe Yesu Kristo,"

7. Ekigambo "ekiconco" nikimanyisa ki?
8. Okwesiga Yesu nk'omujuni w'awe, oine kumwesigira kimwe kukutwara kuhika:
 - A. Aha kanisa.
 - B. Omu iguru.
 - C. Rwanda.

EBY'OKUGARUKAMU

1. Shoma Abarooma 4:5. Ruhanga aihaho orubanja abantu abari...?
Abatatiina Ruhanga.
2. Shoma Abarooma 4:2-3. Ruhanga hariho ekiyabarire Abrahamu ahabwokwikiriza ekiyabaire ataine. Eki kikaba kiri ki?
Okuhikiriira, nari kuba ohikiriireomu maisho ga Ruhanga.
3. Shoma Abarooma 4:22-24. Kuturi kwikiriza nka Abrahamu yaikirize Ruhanga naija kutubarira ki?
Okuhikiriira, nari kuba ohikiriireomu maisho ga Ruhanga.
4. Shoma Abarooma 4:6. Ruhanga abaririra omuntu okuhikiriira:.
B. Hatari bikorwa byabo.
5. Shoma Abaheburayo 10:14. Abarikwikiriza bezibwa omu maisho ga Ruhanga kumara mwanya ki?
Ebiro byoona.
6. Shoma Abarooma 5:17. Okuhikiriira tukwakira
B. Nka ekiconco.
7. Ekigambo "ekiconco" nikimanyisa ki?
Ekintu ekirikuhebwa busha otine ekyokozire nari otashashwire.
8. Okwesiga Yesu nk'omujuni w'awe, oine kumwesigira kimwe kukutwara kuhika:
B. Omu iguru.

EISHOMO 12

OBWESIGWA BW'E KIGAMBO KYA RUHANGA

Nebya Andrew Wommack

Mako 4 neshuura erikukirayo kushoborora obwesigwa bw'ekigambo kya Ruhanga oku kiine — amaani, emitwarize, n'okukikirizamu. Hakaba harimu enfumu nka 10 ezashomesibwe omu izooba rimwe. Kworikushoma Mako 4 na Matayo 13 hamwe na Luka 8 wazigyeragyeranisa nobaasa kukihayo kurungi. Hakaba harimu enfumu nyingi kandi emwe ahari ezo ekaba eri eyokubiba ensigo. Omuri Mako 4:26, negira eti “*Kandi yaagira ati: Obukama bwa Ruhanga nibushusha nk'oku omuntu abiba embibo omu itaka,*” Kwonka ijuka omu mushororongo ogwa 14 nigugira ngu embibo egi nekigambo kya Ruhanga. Ruhanga tariyo nakwegyesa kuba omuhingi kureka nakozesa ekyobuhangwa omu nfumu egi okushoborora amazima ageby'omwoyo. Ogwa 27 nigugira guti “*akabyama kandi akaimuka nyomushana na nyekiro; embibo zikamera, zikakura, atamanyire oku zikuzire,*” Hati ninyikiriza ngu ekyo nikikuru. Nikigira ngu omuntu taretegyereize narishi, taramanyire nkoku eki kyabaireho.

Abantu abamwe nibagira, “Tindikwetegyera eki orikugamba. Nikibasika kita kushoma bushomi ekigambo kya Ruhanga reru kikampindura kandi kikareta amagara aga Ruhanga agahurire omurinye?” nanye tindikukyetegyereza, kwonka nimanya ngu nikikora. Tindikwetegyereza okworikubaasa kuta akajuma kakye omu itaka, embibo ekamera ekakura ekatekaho omunwa gw'ekicori kihango kineho enjuma nyingi ezirikuhika nka kikumi. Tihariho orikubaasa kwetegyereza eki kwonka nikikora. Okushoma ekigambo kya Ruhanga n'okwikiriza kikakwijura nikija kukuhindura ebitekateko byaawe, emitwarize yawe kandi nkoku orikureeba ebintu.

Omushororongo ogwa 28 nigugira, “*Eitaka niryo rimeza ryonka,*” Eitaka rikahangwa okukuza embibo, nokugihya amagara. Omutima gwawe gukahangwa ahabwa ekigambo kya Ruhanga. Ekigambo kya Ruhanga kikahangwa ngu kituure omu mutima gwawe. Okukwata baibuli ekaba haihi naiwe narishi okagita aha kameza, nari okagita omunkwahwa, nari okatambura nayo tikine makuru. Ekyo tirikureta amaani omu magara gawe. Oine okutwara ekigambo, okakitwara nk'embibo, okakibyara omu mutima gwawe. Kw'orikukora ekyo omutima gwawe nigwija kwana ebyana by'agwo ahabwago gwonka. Eki nikijja kuhindura oku ebintu birikukora omu magara gawe. Omushororongo nigugumizamu “*habanza akababi, hataho obushiisha, na bwanyima enjuma nkuru,*” Eki nikimanyisa ngu hariho amadara agorikurabamu okakura. Abantu nibakira kunyijaho nibagira ngu hariho ekintu kirungi ekibarikwikiriza ngu Ruhanga abakorere kandi barikwenda ngu nyikirizane nabo. Kwonka kubarikuba bataine ekibarakozire, nkoku kuburira omuntu akajunwa, ninkugambira ngu tibarikubaasa kutunga obuhereza bwa radio nari television ahonaho.

Ebintu oyine kubikorera omu matembezo gabyo. Hariho amadara agoine kurabamu kutunga kuruga ahari Ruhanga, nikyo enfumu egi erikworeka. Ekyokubanza oine

kutandiika, oine kugira amastiko, n'okwikiriza, obwe nibwo orayane ebyana. Obutosha hariho amadara kwenda kuhika aha kusingura. Tihariho otandikira ahari busha okairuka mairo 1000 omurundi gumwe. Nobukirabe eky'obwa Ruhanga tikirikwija kukora kityo. Ebyahandiikirwe nibitworeka ngu obukama bwa Ruhanga ninka embibo. Ekigambo kiine kubyarwa omu mutima gwawe, kandi okukura kwiine amadara: "Habanza akababi, hataho obushiisha, na bwanyima enjuma nkuru," Omushorongo ogurikukurataho nigugira guti "Ku biheza kwera, ahonaaho areeta omusyo, abigyasha, ahakuba eigyasha rihikire," Hariho amadara, kwonka ahamuheru nihaija obwire bwa ebyana kandi nokukura.

Amakuru nigorekwa omu mushororongo ogwa 35, "Aha izooba eryo ku bwabaire omu mwabazyo, yaabagira ati: Nimwije twambukye seeri," Eizooba ryona Yesu akaba nabashomesa aha amaani agari omu kigambo, nkoku ekigambo kiri nk'embibo, kandi nk' okukirikureta amagara ga Ruhanga omu magara gawe. Akaba amazire eizooba ryona arikubashomesa ahari eki omu enfumu ikumi kandi aha akabaha eky'okubagyezesa. Yabagira ati "kare ekigambo nikyo eki ekirikuruga ahari Ruhanga – twambuke seeri y'enyanya," Tarabagizire ngu "tutembe omu ryato tugyende kuturahike ahagati y'enyanya tugwemu," kwonka akagira "twambukye seeri," Aho yatamba omu ryato, yagwejegyera. Eihunga ryingi rikaija ryayijuza eryato amaizi. Oine kwijuka ngu eryato eri rikaba ritari nka emotoka eine entundubare, kugira ngu Yesu akaguma ayomire ngu taramanyire ekyabaire nikigyenda omu maisho. Eryato rikaba ritaine ntundubare, kandi Yesu akaba abyami, omu maizi gamwetoreire. Enshonga ekutuma eki kyaba kikuru, ni Yesu akaba namanya ekyabaire nikigyenda omumaisho, kwonka yaguma abyami. Abegyesibwa kikabateganisa, baija ahuyabaire ari bamugira bati, "mukama waitu torikututaho mutima reeba twafa! Ekirikumanyisa bakaba nibagira ngu Yesu nawe agire ekiyakora, nka okwiha amaizi omu ryato. "Tihaine eky'orikutuyamba!"

Emirundi emingi abantu nibakora ekintu kimwe nkenki na Ruhanga nibagira bati, "ai Ruhanga ahabwaki toine ekyiwakoraho?" Ruhanga we yakozire – atuhaire byona ebiturikwetenga omuri Yesu Kristo nokubambwa kwe aha musharaba. Atuhaire ekigambo yatuha n'embibo zoonza eziri omu kigambo. Omurimo gwaitu n'ogwokukibiba omu mitima yaitu. Atuhaire ebyahandiikirwe, hati n'omurimo gwaitu kutwara embibo, tugita omu mitima yaitu, tugitekatekeho okuhisya obu kirarete amagara. Kwonka abeegi bakaba nibenda kwimusya Yesu nibagira bati, "ahabwaki toine ekyorikukoraho?" akaimuka yaraagira eihunga ryacureera. Yaababuuza ati, "N'enki ekirikubatiinisa? Timukagizire kwikiriza?" taragizire ngu, "Munsasire! Nkabaire nyineho ekinakozireho," Ngaha. Omurimo gwe gukaba guri ogwokubashomesa ekigambo n'okubaha ebyaraganisibwe, kandi ogwabo gukaba guri ogwokutwara ekigambo eki, kandi bakaikiiriza ebyaraganisibwe. Ruhanga ahaire buri kintu kyona omuri Yesu Kristo n'okwija kwe omunsi. Akakuha buri ekirikwetagisa kukurakurana, omuri buri kicweka kya magara gawe ekiri omu mbibo eri omu kigambo. Iwe ekyoine kukora n'okutwara embibo ey'ekigambo kya Ruhanga, okakibyara omu mutima gwawe orikukishoma, okakitekatekaho, kandi okakireka kikasimba emizi omuri iwe. Kworakore ekyo, noiya kwemerera okabaasa kwemereza eihunga ery'omumagara gawe.

Ninyikiriza ngu Ruhanga ekirungi ekiyabaire nayendeza abeegi aba kikaba kiri kutwara ekigambo Yesu ekiyabaire eizooba eryo bagire, ngu, "katwambukye tugyende seeri,"

Bakagizire ngu, “okurugirira ahabiyatushomesa er’izooba, eki nekiraganiso. Omuhangi w’ebintu byona niwe yatugizire ati twambukye seeri, taragizire ngu bagyende kubarahike ahagati bagwe omunyanja. Bakaba bari abokutwara ekigambo eki, bakakikiriza bakacureeza eihunga. Ekyo nikyo Yesu yagambire: Imwe abaine okwikiriza kukye, ahabwaki nimubanganisa?”Nimukimanya? Twine okwikiriza ekigambo kya Ruhanga tukakora nkokukyaraganisa.

EBIBUZO BY'ABEEGI

1. Shoma Matayo 13:19. Kuturabe tutabibire ekigambo kya Ruhanga omu mitima yaitu, nenki ekirikubaho?

Matayo 13:19 *“Weena ohurira ekigambo ky’obukama, atakyetegereze, Omubi aija, ashahura ekyabibwa omu mutima gwe; ebyo nibishoboorora amakuru g’embibo eyaagwire omu muhanda,”*

2. Shoma Yoshua 1:8. Ni ryari obutushemereire kutekateka aha kigambo kya Ruhanga?

Yoshua 1:8 *“Ekitabo eki eky’ebiragiyo kitarikuruga omu kanwa; kureka ogume nookiteekateekaho nyomushana na nyekiro, obone kwerinda, ohitsye byona ebihandiikirwemu; obwo nibwo oriheebwa omugisha ei oriza yoona, okabaasa gye byona,”*

3. Okurugirira ahamushororongo oguri omu Yohaana 6:63. Ekigambo kya Ruhanga nikyo ki?

Yohaana 6:63 *“Omwoyo niwe aha amagara; omubiri tigwine mugasho; ebigambo ebi naabagambira n’omwoyo n’amagara,”*

4. Shoma Matayo 4:4. Omuntu tatungwa by’okurya byonka kureka na ki?

Matayo 4:4 *“Kwonka We yaamugarukamu ati: Kikahandiikwa ngu, Omuntu tatungwa by’okurya byonka, kureka n’ekigambo kyona ekiruga omu kanwa ka Ruhanga,”*

5. Shoma Abaefeso 6:17. Ekigambo kya Ruhanga kiri nka ekyokurwanisa ki?

Abaefeso 6:17 *“Kandi mujware enkofira ey’okujunwa, na rurara y’Omwoyo, nikyo kigambo kya Ruhanga;”*

6. Rurara nebaasa kuhutaza omuzigu?

7. Shoma Abarooma 8:6. Kuturikuha omwanya ogushemereire ekigambo kya Ruhanga omu magara gaitu nitwija kuhebwa...?

Abarooma 8:6 *“Mumanye ngu okuta omutima aha by’omubiri n’okufa; kwonka okuta omutima aha by’Omwoyo n’amagara n’obusingye;”*

8. Shoma 2 Abakorinso 3:18. Noiijuraekyo ekyorikutaho omutima, mbwenu tute emitima yaitu ahari ki?

2 Abakorinso 3:18 *“Itwe twena ku turaabe nitworeka ekitiinisa kya Mukama ahamaisho gaitu, twaba nk’endeeberwamu, obwo ahamaisho gaitu hatatwekyereire, tuguma nituhindurwa okushushana nawe, nituruga omu kitiinisa kuza omu kitiinisa ekindi ekirikukiraho; ebyo nibirunga ahari Mukama niwe Mwoyo,”*

EBY'OKUGARUKAMU

1. Shoma Matayo 13:19. Kuturabe tutabibire ekigambo kya Ruhanga omu mitima yaitu, nenki ekirikubaho?
Omubi naija kukitwara, kibure ekikyazara omu magara gaitu.
2. Shoma Yoshua 1:8. Ni ryari obutushemereire kutekateka aha kigambo kya Ruhanga?
Nyomushana na nyekiro.
3. Okurugirira ahamushororongo oguri omu Yohaana 6:63. Ekigambo kya Ruhanga nikyo ki?
N'omwoyo n'amagara.
4. Shoma Matayo 4:4. Omuntu tatungwa by'okurya byonka kureka na ki?
Buri kigambo kyona ekirikuruga omu kamwa ka Ruhanga.
5. Shoma Abaefeso 6:17. Ekigambo kya Ruhanga kiri nka ekyokurwanisa ki?
Rurara.
6. Rurara nebaasa kuhutaza omuzigu?
Eego.
7. Shoma Abarooma 8:6. Kuturikuha omwanya ogushemereire ekigambo kya Ruhanga omu magara gaitu nitwija kuhebwa...?
Kuturikuha omwanya ogushemereire ekigambo kya Ruhanga omu magara gaitu nitwija kuhebwa **Amagara n'obusingye.**
8. Shoma 2 Abakorinso 3:18. Noijura ekyo ekyorikutaho omutima, mbwenu tute emitima yaitu ahari ki?
Mukama n'ekitiinisa kye.

EISHOMO 13

RUHANGA TAINÉ MUSHANGO

Nebya Andrew Wommack

Er'izooba ninyenda kubagana naimwe kimwe aha bintu ebikukirayo obukuru Ruhanga ebirakozire omu magara gangye. Nikirebeka ngu buri kintu kyoona ekirikubaho omu magara g'abantu batekateka ngu nikiruga owa Ruhanga, ngu nategyeka ebintu byoona. Enshonga erikureta eki nahabwokuba nibamanya ngu Ruhanga niwe mutwe gwa byoona kandi aine amaani maingi, kandi kibaretera kugira ngu niwe ategyeka byoona ebirikubaho omu magara gaabo. Nangwa nabatakajunwaga nabo nikwe barikwikiriza. Hariho abakristayo baingi abarikukuririza enyikiriza egi kandi kisimbire emizi omu magara gaabo. Ninyikiriza ngu ebyahandiikirwe ebikirikwegyesa tibirikwikirizana neki, kandi nikikuru munonga ngu wakwata eishomo eri kurungi. Yakobo 1:13-17, baibuli negira eti, *"Omuntu weena ku araayohibwe, arekye kugira ati: Naayohibwa Ruhanga; ahakuba Ruhanga tabaasa kwohibwa kibi, kandi nawe tayosya muntu; kwonka omuntu weena ayohibwa, yaabeihwabeihwa okwetenga kwe, kwamwosyosya. Bwanyima okwetenga okwo, ku kuheza kutwara enda, kuzaara ekibi; nekibi ku kikura, kizaara okufa. Beishe-emwe abarikukundwa, mutabeihwabeihwa; engabirano yoona enungi nekiconco kyona ekihikire biruga omu iguru, nibishuuma okuruga ahari Isheboona, Omuhangi w'ebirikwaka, otahinduka,"*

Emishororongu egi nekyorekyera kimwe ngu Ruhanga niwe entandikiriro y'ebintu byoona ebirungi. Yesu akagira ati omu Yohaana 10:10, *"Omushuma tareetwa kindi kureka okwiba nokwita nokucwekyereza; nyowe nkaija ngu zigire amagara, kandi ngu zigire maingi munonga,"* Kukikuba kiri kirungi, naba ari Ruhanga; kukikuba kiri kibi ekyo nekya Sitaane. Eki kyanguhi kwetegyereza. Enshonga erikutuma eki kyaba kikuru nahabwokuba Yakobo 4:7 nagira ati *"Nahabwekyo mworobere Ruhanga. Murwanise Sitaane, aryabahunga,"* Eki nikimanyisa ngu twiine kworobera, nari kwehayo ahari Ruhanga kandi tukarwanisa Sitaane Ekigambo "kurwanisa" nikimanyisa kwangisiriza okaremeraho mpaka Sitaane akuhungire.

Abantu kubarikwikiriza ngu ebintu byoona ebirikutubaho omu magara gaabo ngu buzima nibiruga owa Ruhanga — eky'okureberaho, endwara, okuremererwa omubyobushubuzi, okuferwa omurimo, abaana kuba endeme, nari okutana omu maka, ekyo nikibaretera obutafayo bahwamu amaani. Kubarabe nibikiriza buzima ngu Ruhanga niwe entandikiriro yebyo byoona kandi nabikozesa kubaha ekifubiro narishi okubahindura, nikiba nikimanyisa ngu tibarikwenda kurwanisa Sitaani. Kwonka, Yakobo 4:7 nagira ngu Murwanise Sitaane aryabahunga. Oine kworobera Ruhanga. Eki nikitworeka ngu ebintu ebimwe nebya Ruhanga kandi ebindi biruga owa Sitaane. Hariho amaani gomubi omunsi omu, kandi tikugira ngu buri kirikubaho omu magara gawe nikiruga owa Ruhanga. Kworabe otarikwetegyereza eki, nohendera wayorobera Sitaane, kandi omu mazima omuha amaani.

Hariho omishororongu eyindikwenda kwihayo eri omu kitabo kya Abarooma, ahabwokuba emirundi emingi ekozesebwe kubi. Ngiire ahanfu nyingi kuziika aha

abantu batine kibarikumanya ahari Ruhanga, tibarikuza omukanisa kushaba, kandi tibarikumanya ebyahandiikirwe omuri baibuli kwonka eki nibakimanya. Abarooma 8:28 negira eti, “*Nitumanya ngu, aha barikukunda Ruhanga, bakeetwa nk’enaama ye oku eri, byona ebibabaho bikwatanisiza hamwe kubareetera oburungi,*” Hati eki nibakihindura omu muringo oguri kugira ngu byoona ebirikuba omu magara ngu byoona Ruhanga nabikora hamwe ahabwoburungi omu buryo bumwe. Nkaba ngire aha rufu rwokuziika omusigazi omwe, haza hakaba hariho omwishiki owabaire najwanzyawaragi nenjaye, yaza omu motoka, yavuga speedi nyigi yatamera omuti gwa amashanyarazi nawe yafa. Omuburizi yaihayo omushororongo ogu “nitumanya ngu ebintu byoona nibikorwa hamwe ahabwoburungi,” Yagira ngu Ruhanga akaba aine ekigyendererwa ahabwokukora ekyo. Ruhanga tiwe yayisire egyo minyeto, kandi nabwe tokagira ngu ni Sitaane eyabisire. Egyo minyeto yonka niyo yayeyisire. Nimpamy Sitaane niwe yabaretire okwohibwa okugomera abazaire nari abandi ebibabegyeise, kwonka kukaba kuri okusharamu kwabo. Nibo banywire enjaye, nibo batomire omuti gw’amashanyarazi. Ekyo kikaba kiri ekyobuhangwa kandi tikirarugire ahari Ruhanga.

Eki nikimanyisa ki kworikugira ngu “nitumanya ngu ebintu byona ebibabaho bikwatanisiza hamwe kubareetera oburungi,” Ekyokubanza tikirikugamba ngu nitumanya ngu ebintu byona nibiruga owa Ruhanga kandi nibikwatanisiza hamwe kureta oburungi. Nikigira ngu ebintu byona nibikwatanisiza hamwe kubareetera oburungi kwonka nikitaho ebikwetagisibwa aharikyo: “*aha barikukunda Ruhanga*”. Ekyahandikiirwe eki tikirikukorera omuntu otarikukunda Ruhanga. Eki kyo nikyeyoreka kwonka nikitangaza abantu okubarikukikozesa ahabikubaho nkegi eminyeto eyabaire nenywa enjaye n’amarwa kandi bakaba bari omu bugomi ahari Ruhanga n’ebyakunda. Eki nikigira ngu nikikwatanisiza hamwe kuretera oburungi ahari abo bonka abarikukunda Ruhanga, nahari abo abayesirwe ahabwa omurimo gwe.

Omuri 1 Yohaana 3:8, negira, “*Okora ekibi n’owa Sitaane; ahakuba okwiha iranaira Sitaane ashiisha. Nikyo Omwana wa Ruhanga yaayorekyeirwe kuhwerekyereza emirimo ya Sitaane,*” Ruhanga akatweyoreka kucwecereza emirimo ya Sitaane. Ekyo nikyo kigyendererwa kye nikikorera abo bonka abarikukunda Ruhanga kandi abayesirwe nko enaama ye okweri; ekyo nikimanyisa abo abarikugyendera omukweta oku nibarwanisa Sitaane kandi bacwecereza emirimo ye. Abo abarikurwanisa Sitaane bakorobera Ruhanga nibabaasa kugira ngu nobu Sitaane aine abyarikukora omu magara gaabo, Ruhanga nabaasa Kubihindura abikozese ahabwa oburungi bwabo.

Twine kutandiika okutanisamu ngu Ruhanga tiwe ari enyima ya buri ekirikubaho omu magara gaitu. Hariho omuzigu orikwija okwita, okwiba, n’okuhwerechereza, kwonka Yesu akaija kutuha amagara agatahwaho. Twine kutorana amagara agatahwaho kandi twine kukimanya ngu Ruhanga tiwe arikureta buri kintu kyona ekirikutubaho omu magara gaitu ngu nikiruga owa Ruhanga.

Kuri nogira Ruhanga yabaire ari omuntu nkaitwe, awakozire ebintu ebirikumujunanwa, nk’okurwaza abantu ekokoro, obuumuga, Okunyijisizibwa, enaku, n’obusasi, ninkuhamiza tihariho gavumenti omunsi etakubasize kumukwata ekamuta omukihome kugyezaho

kumuzibira. Kwonka tutekateka ngu Ruhanga arikukirayo kugira embabazi kukirayo omuntu weena orabireho nari owuturatekatekire omu magara gaitu, n'agyenda naretera abantu endwara n'ebizibu byona. Hariho ebintu ebimwe ebiretwa emizimu kandi ebimwe neby'obuhangwa, tibiri byoona ebihwerechereza ngu bikomoka owa Ruhanga. Ebitongore bya yinsuwa byine ebibata omu bihandiko byaabo barikugirangu, "ebikorwa bya Ruhanga nka omusisa, n'enzigye n'ebindi ebirukhwerekyereza," Ngaha ebintu byona tibikomoka kuruga owa Ruhanga.

EBIBUZO BY'ABEGI

1. Shoma Yakobo 1:13. Ruhanga niwe aretera abantu okwohibwa n'ebibi?

Yakobo 1:13 *“Omuntu weena ku araayohibwe, arekye kugira ati: Naayohibwa Ruhanga; ahakuba Ruhanga tabaasa kwohibwa kibi, kandi nawe tayosya muntu;”*

2. Shoma Yakobo 1:17. Ebiconco ebirungi biruga nkahi?

Yakobo 1:17 *“Engabirano yona enungi n'ekiconco kyona ekihikire biruga omu iguru, nibishuuma okuruga ahari Isheboona, Omuhangi w'ebirikwaka, otahindahinduka na kakye, n'obu kwakuba okugira ekicuucu ekireetwa okuhinduka,”*

3. Shoma Yohaana 10:10. Omushuma niwe oha?

Yohaana 10:10 *“Omushuma tareetwa kindi kureka okwiba n'okwita n'okucwekyereza; nyowe nkaija ngu zigire amagara, kandi ngu zigire maingi munonga,”*

4. Shoma Yohaana 10:10. Ebigyendererwa bye nibyo biha?

5. Shoma Yohaana 10:10. Nenki ekyaresire Yesu?

6. Shoma Yakobo 4:17. Nenki ekirikuruga omu kworobera Ruhanga n'okurwanisa Sitaane?

Yakobo 4:7 *“N'ahabw'ekyo mworobere Ruhanga. Murwanise Sitaane, aryabahunga,”*

7. Abarooma 8:28. Negira ngu ebintu byona nibiruga ahari Ruhanga?

Abarooma 8:28 *“Nitumanya ngu, aha barikukunda Ruhanga, bakeetwa nk'enaama ye oku eri, byona ebibabaho bikwatanisiza hamwe kubareetera oburungi,”*

8. Shoma Ebyakozirwe Entumwa 10:38. Endwara niziruga ahari Ruhanga?

Ebyakozirwe Entumwa 10:38 *“Nikigamba ebya Yesu owa Nazareesi, oku Ruhanga yaamushukireho Omwoyo Orikwera n'amaani, akagyendagyenda naakora ebirungi, naakiza boona abaabaire nibaitwa kubi Sitaane; ahabw'okuba Ruhanga akaba ari hamwe nawe,”*

9. Shoma 1 Yohaana 3:8. Nenki Omwana wa Ruhanga yaayorekyeirwe?

1 Yohaana 3:8b *“Nikyo Omwana wa Ruhanga yaayorekyeirwe kuhwerekyereza emirimo ya Sitaane,”*

EBY'OKUGARUKAMU

1. Shoma Yakobo 1:13. Ruhanga niwe aretera abantu okwohibwa n'ebibi?
Ngaha.
2. Shoma Yakobo 1:17. Ebiconco ebirungi biruga nkahi?
Biruga owa Isheboona Omuhangi w'ebirikwaka.
3. Shoma Yohaana 10:10. Omushuma niwe oha?
Sitane.
4. Shoma Yohaana 10:10. Ebigyendererwa bye nibyo biha?
Okwiba, nokwita, n'okuchwecereza.
5. Shoma Yohaana 10:10. Nenki ekyaresire Yesu?
Akaija kutuha amagara kandi maingi munonga.
6. Shoma Yakobo 4:17. Nenki ekirikuruga omu kworobera Ruhanga n'okurwanisa Sitaane?
Setaani aryatuhunga.
7. Abarooma 8:28. Negira ngu ebintu byona nibiruga ahari Ruhanga?
Ngaha.
8. Shoma Ebyakozirwe Entumwa 10:38. Endwara niziruga ahari Ruhanga?
Ngaha.
9. Shoma 1 Yohaana 3:8. Nenki Omwana wa Ruhanga yaayorekyeirwe?
Okuhwerechereza emirimo ya Sitaane.

EISHOMO 14

AMAGARA G'OMUNTU AIJWIIRE AMAANI G'OMWOYO

Nebya Don Krow

Mako 16:15-16 nemanywa nka Obutumwa bw'omutaano. Yesu akagira abeegi be, *“Yaabagira ati: Mugyende omu nsi zoon, mubuurire engiri ebihangirwe byona. [16] Oriikiriza akabatizibwa, aryajunwa; kwonka otariikiriza, aryingwa orubanja,”* Omu Ebyakozirwe Entumwa 8:5 na 12 nitureeba omuringo omurimo ugu okugwakoziwemu obu Filipo yabuurira omuri Samaria. *“Filipo yaashuuma, yaaza omu rurembo rwa Samaria, yaababuurira Kristo... Kwonka ku baikiriize Filipo owaababuurire ebigambo birungi eby'obukama bwa Ruhanga n'iziina rya Yesu Kristo, baabatizibwa, abashaija n'abakazi,”*

Ekibuzo kiri ngu abantu aba Samaria bakahinduka abakristayo okurugirira ahari Mako 16:15-16? Eeego bakahinduka. Filipo akaaza omururembo rwa Samaria, yaburiira Yesu Kristo, hamwe n'okwikiriza omuri Kristo, abashaija n'abakazi bakabatizibwa. Kurugirira aha butumwa bwomutaano nitubaasa kugira ngu abantu aba bakajunwa, kwonka bakabatizibwa n'omwoyo orikwera?

Baibuli negamba ku Yohaana yabatize n'amaizi, kwonka Yesu Kristo wenka niwe arikubaasa kubatiza n'omwoyo orikwera. Okurugirira aha byahandiikirwe abantu nibaikiriza, bajunwa, kandi babatizibwa n'amaizi, kwonka tibakabatizibwaga n'Omwoyo Orikwera. Ebyakozirwe Entumwa 8:14-17 negira eti, *“Kandi entumwa ezaabaire ziri Yerusalemu, ku zaahuriire ngu aba Samaria baikiriize ekigambo kya Ruhanga, zaabatumaho Petero na Yohaana. [15] Nabo, ku baahikireyo, baabashabira ngu baheebwe Omwoyo Orikwera; [16] ahakuba Omwoyo akaba atakaizire aha muntu weena omuribo, kureka bakaba babatizibwe omu iziina rya Mukama waitu Yesu. [17] Ahonaaho Petero na Yohaana baabataho engaro, baaheebwa Omwoyo Orikwera,”*

Nitubaasa kukiireba omu byahandiikirwe ngu ahakuba omuntu aikirize, abatizibwe, kandi ajunirwe, tikirikumanyisa ngu abatizibwe n'omwoyo orikwera. Omwoyo orikwera naba ayizire omu magara gaabo — omu Yohaana 20:22 nitureba ku Omwoyo orikwera yahindwire busya abeegi — kwonka na izooba rya Pentekoti obu babatizibwa n'Omwoyo Orikwera, kandi baijuzibwa amaani ga Ruhanga. Hariho entaniso ahagati y'okurahusyaho kw'Omwoyo Orikwera omukujunwa, n'okubatizibwa Omwoyo Orikwera yaheza kwija aha muntu. Nihabaho okwibikwa omu Mwoyo Orikwera yaija aha buri muntu kandi n'amwijuzza n'amaani. N'obwomuntu arabe ajunirwe, tikirikumanyisa ngu bakabatizibwa n'Omwoyo Orikwera.

Omu Ebyakozirwe Entumwa 19:1-2 negira ngu *“Apolo ku yaabaire akiri Korinso, Paulo yaaraba omu kyanga kya ruguru, yaahika Efeso, yaashangayo abeegi bamwe; yaababuza ati: Obu mwaikiriza, mukaheebwa Omwoyo Orikwera? Baamugarukamu bati: Ngaaha,*

n'okuhurira titukahuriraga, yaaba habaho Omwoyo Orikwera". Paulo akagira "mukaheebwa Omwoyo Orikwera kwiha obumwaikiriza?" Bagarukamu bati, "n'okuhurira titukahuriraga ngu habaho Omwoyo Orikwera" Paul yabagira ati, "kumurabe mutarabatizibwe n'Omwoyo Orikwera obu mwikiriza mukabatizibwa omukubatizibwaki?" Bamugira bati, "Omukubatiza kwa Yohaana. Ninyikiriza ngu Paulo akabashobororera gye ahari Yesu ku ari Kristo kandi abakristayo aba bakashushanisibwa na Yesu omukubatizibwa okwa amaizi. Omu mishororongo eya 6-7 negira eti, *"Paulo ku yaabataireho engaro, Omwoyo Orikwera yaabajaho; baagamba endimi ezindi, baaragura. [7] Boona bakaba bari ikumi na babiri,"*

Abantu aba nobubarabe babaire bari abegegi ababaire nibaikiririza omuri Masiya owabaire naza kwija, bakaba batakatizibwaga n'Omwoyo Orikwera. Omuntu nabaasa kuba ajunirwe kandi abatizibwe omu maizi, kwonka atabatizibwe n'Omwoyo Orikwera. Okubatizibwa n'Omwoyo Orikwera nekyomutaano kandi tikiine kakwate n'okujunwa.

Nobunakubatiza omuntu omu maizi, tindikubasa kumubatiza n'Omwoyo Orikwera, Yesu wenka niwe arikubaasa kukikora. Kworabe otakashabahoga Yesu kukubatiza n'Omwoyo Orikwera, ahabwaki otarikumushaba hati? Luka 11:13 negira, *"Imwe ku muraabe nimumanya kuha abaana baanyu ebiconco ebirungi, haza muri babi, mbwenu Shoimwe w'omu iguru tarikizaho kuha Omwoyo Orikwera abo abamushaba?"* Ahabwaki otarikumushaba hati?

EBIBUZO EBY'ABEEGI

1. Shoma Mako 16:16. Kandi oshome na Ebyakozirwe Entumwa 8:5 na 12. Abantu abarikugambwaho omugwa 12 bakajunwa?

Mako 16:16 *“Oriikiriza akabatizibwa, aryajunwa; kwonka otariikiriza, aryingwa orubanja,”*

Ebyakozirwe Entumwa 8:5, 12 *“Filipo yaashuuma, yaaza omu rurembo rwa Samaria, yaababuurira Kristo... [12] Kwonka ku baikiriize Filipo owaababuuriire ebigambo birungi ebyòbukama bwa Ruhanga n'iziina rya Yesu Kristo, baabatizibwa, abashaija n'abakazi,”*

2. Shoma Ebyakozirwe Entumwa 8:14-16. Abantu aba bakaba baabatizibwe n'Omwoyo Orikwera?

Ebyakozirwe Entumwa 8:14-16 *“Kandi entumwa ezaabaire ziri Yerusalemu, ku zaahuriire ngu aba Samaria baikiriize ekigambo kya Ruhanga, zaabatwaho Petero na Yohaana [15] Nabo, ku baahikireyo, baabashabira ngu baheebwe Omwoyo Orikwera; [16] ahakuba Omwoyo akaba atakaizire aha muntu weena omuribo, kureka bakaba babatizibwe omu iziina rya Mukama waitu Yesu,”*

3. Shoma Ebyakozirwe Entumwa 19:1-5. Abantu aba nabaikiriza?

Ebyakozirwe Entumwa 19:1-5 *“Apolo ku yaabaire akiri Korinso, Paulo yaaraba omu kyanga kya ruguru, yaahika Efeso, yaashangayo abeegi bamwe; [2] yaababuuzza ati: Obu mwaikiriza, mukaheebwa Omwoyo Orikwera? Baamugarukamu bati: Ngaaha, n'okuhurira titukahuriraga, yaaba habaho Omwoyo Orikwera. [3] Yaagira ati: Mukabatizibwa omu kubatizibwa ki? Bati: Omu kubatuzza kwa Yohaana. [4] Paulo yaagira ati: Yohaana akabatiza okubatiza kw'okweteisa, naagambira abantu kwikiriza Ogwo orikwenda kwija enyima ye, niwe Yesu. [5] Ku baahuriire ekyo, baabatizibwa omu iziina rya Mukama waitu Yesu,”*

4. Shoma Ebyakozirwe Entumwa 19:6-7. Bakaba baherize kubatizibwa n'Omwoyo Orikwera?

Ebyakozirwe Entumwa 19:6-7 *“Paulo ku yaabataireho engaro, Omwoyo Orikwera yaabajaho; baagamba endimi ezindi, baaragura. [7] Boona bakaba bari ikumi na babiri,”*

5. Luka 11:13. Negira ngu tushemereire kukoraki kuheebwa Omwoyo Orikwera?

Luka 11:13 *“Imwe ku muraabe nimumanya kuha abaana baanyu ebiconco ebirungi, haza muri babi, mbwenu Shoimwe w'omu iguru tarikizaho kuha Omwoyo Orikwera abo abamushaba?”*

6. Shoma 1 Abakorinso 14:2. Omuntu kwarikugamba omururimi naba nakora ki?

1 Abakorinso 14:2 *“Orikugamba “orurimi”naaba atarikugambira bantu, kureka Ruhanga; ahabw'okuba tihaine orikubishoborokyerwa; kwonka we Omwoyo naaba naamugambisa enaama,”*

7. Shoma 1 Abakorinso 14:14. Omuntu kwarikugamba omururimi naaba nakoraki?

1 Abakorinso 14:14 *“Ahakuba ku mba ninshaba omu “rurimi”, omwoyo gwangye gushaba, kwonka obwengye bwangye tibugira ki bukora,”*

8. Shoma 1 Abakorinso 14:16-17. Omuntu kwarikugamba omururimi naaba nakoraki?

1 Abakorinso 14:16-17 *“Ku oriba otatwarize otyo, haza waashabira omugisha omu Mwoyo wenka, omuntu ori aha rubaju rw'abatarikwetegyereza, aryaikiriza ata ati: Amiina, waaheza kusiima, haza we ataamanya ki waagamba? [17] N'amazima, ahabwawe nooba osiimire gye: kwonka ogwo we tarikuhwerwa,”*

9. Shoma Ebyakozirwe Entumwa 2:4. Omuntu kwarikugamba omururimi, Omwoyo Orikwera niwe akuba nagamba nari n'omuntu wenyini?

Ebyakozirwe Entumwa 2:4 *“Boona baijura Omwoyo Orikwera, baatandika kugamba endimi ezindi, nkòku Omwoyo yaabahaire kuzigamba,”*

10. Shoma Ebyakozirwe Entumwa 2:4. Noha orikutuma omuntu ogwo kugamba?

EBY'OKUGARUKAMU

1. Shoma Mako 16:16. Kandi oshome na Ebyakozirwe Entumwa 8:5 na 12. Abantu abarikugambwaho omugwa 12 bakajunwa?
Eego.
2. Shoma Ebyakozirwe Entumwa 8:14-16. Abantu aba bakaba baabatizibwe n'Omwoyo Orikwera?
Ngaaha.
3. Shoma Ebyakozirwe Entumwa 19:1-5. Abantu aba baikirize?
Eego.
4. Shoma Ebyakozirwe Entumwa 19:6-7. Bakaba baherize kubatizibwa n'Omwoyo Orikwera?
Ngaaha.
5. Luka 11:13. Negira ngu tushemereire kukora kuheebwa Omwoyo Orikwera?
Kumushaba.
6. Shoma 1Abakorinso 14:2. Omuntu kwarikugamba omururimi naba nakora ki?
Naaba nagambira Ruhanga kandi niwe arikubishoborora.
7. Shoma 1 Abakorinso 14:14. Omuntu kwarikugamba omururimi naaba nakoraki?
Omwoyo aba nashaba Ruhanga.
8. Shoma 1 Abakorinso 14:16-17. Omuntu kwarikugamba omururimi naaba nakoraki?
Naaba nahimbisa Ruhanga omu mwoyo kandi arikumwebaza.
9. Shoma Ebyakozirwe Entumwa 2:4. Omuntu kwarikugamba omururimi, Omwoyo Orikwera niwe akuba nagamba nari n'omuntu wenyini?
Omuntu wenyini.
10. Shoma Ebyakozirwe Entumwa 2:4. Noha orikutuma omuntu ogwo kugamba?
Omwoyo Orikwera.

EISHOMO 15

OKWORIKUBASA KWIJURA OMWOYO ORIKWERA

Nebya Don Krow

Eri izooba nituza kugamba ok'orikwijura Omwoyo Orikwera. Ebyakozirwe Entumwa 10:1. *“Omuri Kaisarea hakaba harimu omushaija orikwetwa Koruneelio, omukuru w'abaserukare b'omu mutwe ogurikwetwa Italiano,”* Eki kikaba kiri ekitinisa eky'omumahe nka Kapiteeni. Omushororongo gwa kabiri niguguizamu nigugira guti, *“akaba ari omunyadiini, orikutiina Ruhanga hamwe n'ab'omu ka ye boona, owaabaire ahwera abooro n'ebintu bye bingi, kandi naashaba Ruhanga obutoosha,”* Akaba ahikiriire ., arikukora ebintu ebihikire, arikutiina Ruhanga, arikuhwera abooro, kandi baiburi negira ngu akaba nashaba Ruhanga obutosha. Kwonka twaza kukizoora kandi nikija kutangaza ngu n'obuyabaire nakora ebihikire, natiina Ruhanga, kandi ari omushabi akaba ataine mukago na Ruhanga omuri Yesu Kristo.

Omu mishororongo 3-6 baibuli negira eti, *“Eizooba rimwe aha shaaha n'keya mwenda akareeba maraika wa Ruhanga omu kworekwa naija ah'ari, yaamugira ati: Koruneelio. [4] We yaamuhanga amaisho aine obwoba, yaamubuuzza ati: N'enki, Mukama wangye? Yaamugarukamu ati: Okushaba kwawe n'obuhwezi bwawe bitembire okuba ekijutsyo ahari Ruhanga. [5] Mbwenu tuma abashaija Yoopa, beeteyo omuntu Simooni orikwetwa Petero, [6] orikuraara owa Simooni omuhazi w'empu, enju ye eri aha rubaju rw'enyanya,”*

Omushaija ogu nobuyabaire natiina Ruhanga, ahikiriire . kurugirira omubiyabaire nakora ebihikire kandi nashaba Ruhanga, akoherezibwa malaika owamugizire ngu ayete Simoni Petero, ku niwe aramugambire ekyashemereire kukora. Niitureba omu Ebyakozirwe Entumwa 10:43 Petero ekiyaragirwe kumugambira: *“Ogwo niwe baanabi boona baahamize, ngu ahabw'eiziina rye omuntu weena orikumwikiriza naihwaho ebibi,”* Eki tikirikutangaza? Omushaija ogu owabaire aine ebi byona ebirungi, akaba ataine omukago na Ruhanga omuri Kristo. Ruhanga yagira ngu *“ebintu ebyorikukora nibirugi munonga, neby'amaani kandi tindikubaasa kubyebwa, kwonka kankugambire ekindikuza kukora. Nakwoherereza malaika akugambire oyete omushaija arikwetwa Petero ogwo niwe arakugambire ekyoshemerire kukora,”* Omugwa 43, Petero kuyagiire owa Koruneeriyo, yagira ati, *“Buri weena arikumwikiriza [mukama waitu Yesu Kristo] nayihwaho ebibi,”*

Hati reba ekyabaireho. *“Petero ku yaabaire naakigamba ebigambo ebyo, Omwoyo Orikwera yaashuuma ahari boona abaabaire nibahurira ekigambo,”* (Ebyakozirwe Entumwa 10:44). Koruneeriyo akaba nayakiira kuyahurire okwikiriza omuri Kristo, kandi yata okwikiriza kwe omuri Yesu Kristo ahabwa okusasirwa ebibi bye. Ahonaho kuyakikozire, Omwoyo Orikwera yamushumaho hamwe n'aboona ababaire bari omuri egyo nju. Omu mishororongo gwa 45 nihagira, *“Abaikiriize ab'omu bashazirwe, abaizire na Petero boona, baatangaara ahabw'Abanyamahanga nabo kushukwaho ekiconco ky'Omwoyo Orikwera,”* Ekyo bakakimanya bata? *“Ahakuba bakabahurira nibagamba 'omu ndimi', nibahimbisa Ruhanga,”* (46).

Obutosha Omwoyo Orikwera kwashuuma ahari buri muntu omu ndagaano ensya, ekiconco eky’Omwoyo Orikwera kishururwa kandi kihanya ku omuntu yaijura Omwoyo Orikwera. Omu ndagaano ensya bakaba bagamba omu ndimi nari baragura. Omumwabazyo gumwe nkateeka amaju nashaba nti, “Ruhanga tinyine ekindikumanya ahabya okugamba omu ndimi nokubatizibwa n’Omwoyo Orikwera ebya abantu barikugamba, kwonka kuharabe hariho omuringo gwoona ogunakubaasa kukuhimbisa okukiraho okwokundikugamba nikyenda ngu nanye nkitungye,” Nkatandika kuramya Ruhanga kandi kunabeire nkiri aho, Omwoyo Orikwera yampa orurimi, nokugamba ebigambo ebinabaire ntarikumanya. Baibuli negira omu Ebyakozirwe Entumwa 2:4, “*Boona baijura Omwoyo Orikwera, baatandika kugamba endimi ezindi, nkòku Omwoyo yaabahaire kuzigamba,*” Noha owabaire nagamba? Nibo bagambire. Noha owabahire ebigambo ebibagambire? Omwoyo Orikwera.

Luka 11:13 negira, “*Imwe ku muraabe nimumanya kuha abaana baanyu ebiconco ebirungi, haza muri babi, mbwenu Shoimwe w’omu iguru tarikizaho kuha Omwoyo Orikwera abo abamushaba?*”Ekyoine kukora nikumwe n’okushaba, oikirize ngu waheebwa, Oyeheyo ahari Ruhanga, otandike kuramya Mukama, kandi naija kukuha ebigambo by’okumuramya n’okumuhimbisa omururimi orwotarikumanya.

EBIBUZO ABY'ABEEGI

1. Shoborora ebimwe aha bigambo ebi baibuli erikukozesa yaaba negamba ahakujunwa.

Yohaana 3:3 “Yesu yaamugarukamu ati: Buzimazima ninkugambira nti: Omuntu, ku aba atazairwe bwa kabiri, tabaasa kureeba bukama bwa Ruhanga,”

Abyakozirwe Entumwa 3:19 “Nahabw'ekyo mweteise, muhindukye, ebibi byanyu biragazibwe, ebiro eby'okugaruka obusya bibone kwija okuruga ahari Mukama;”

Mako 16:16 “Oriikiriza akabatizibwa, aryajunwa; kwonka otariikiriza, aryasingwa orubanja;”

Abakolosai 2:13 “Naimwe, abaabaire bafeereire omu by'okushiisha byanyu n'omu kutasharwa kw'emibiri yaanyu, Ruhanga akabahindura abahuriire hamwe nawe, ku yaaherize kutusaasira eby'okushiisha byaitu byona, ”

Abarooma 8:9 “Kwonka imwe timuri mu buryo bw'omubiri, kureka omu Mwoyo, Omwoyo wa Ruhanga ku araabe atuura omuriimwe buzima. Mumanye ngu omuntu weena otaine Mwoyo wa Kristo, ti muntu we na kake,”

Matayo 25:46 “Abo baryaza omu kubonabonesibwa okw'ebiro n'ebiro, kwonka abahikiriire bo baryataaha omu magara agatahwaho,”

2. Ebyakozirwe 11:15 Omushororongo ogu nigushoborora guta nenki ekirikubaho omu kubatizibwa n'Omwoyo Orikwera?

Ebyakozirwe Entumwa 11:15 “Ku naatandikire kugamba, Omwoyo Orikwera yaabashuumaho, nk'oku yaizire ahariitwe bwa mbere,”

3. Abeegi ba Yesu bakatunga Omwoyo Orikwera (Yohaana 20:22) kwonka bwanyima y'ebiro bikye babatizibwa n'Omwoyo Orikwera (Ebyakozirwe 2:1-4). Shoma kandi ogyeranise ebyahandiikirwe ebi.

Yohaana 20:22 “Ku yaagambire ekyo, yaabaikiza omwitsyo, ati: Mwakiire Omwoyo Orikwera,”

Ebyakozirwe Entumwa 2:1-4 “Eizooba rya Pentekoote obu ryahika, boona bakaba bateeraniire omu mwanya gumwe. [2] Ahonaaho okuhoorera kwaruga omu iguru, nk'omuyaga oku guhoorera n'amaani, kwaijuriza kimwe enju omu baabaire bashutami. [3] Haareebeka endimi nke'omuriro, zeebaganiisemu, nizaakira ahari buri omwe omuribo. [4] Boona baijura Omwoyo Orikwera, baatandika kugamba endimi ezindi, nk'oku Omwoyo yaabahaire kuzigamba,”

4. Shoma Ebyakozirwe 1:8. Okubatizibwa n'Omwoyo Orikwera nekyamugashoki?

Ebyakozirwe Entumwa 1:8 *“Kwonka muryaheebwa amaani, Omwoyo Orikwera ku ariheza kubaijaho, kandi muryaba baakareebi bangye omuri Yerusaalemu, n'omuri Buyudaaya yoonna, n'omuri Samaria, n'okuhitsya aha muheru gw'ensi,”*

5. Shoma Ebyakozirwe 2:38-39 na 1 Abakorinso 1:7. Okubatizibwa n'Omwoyo Orikwera nokweitu hati?

Ebyakozirwe Entumwa 2:38-39 *“Petero yaabagarukamu ati: Mweteise, mwena mubatizibwe omu iziina rya Yesu Kristo, mubone kusaasirwa ebibi byanyu; kandi nimwija kuheebwa ekiconco ky'Omwoyo Orikwera [39]. Ahakuba okuraganisibwa oku n'okwanyu n'okw'abaana baanyu, n'okwa boona abari hare, omuntu weena oryetwa Mukama Ruhanga waitu,”*

1 Abakorinso 1:7 *“Nahabw'ekyo tihariho kiconco kyona eky'Omwoyo eki mutaine, nimutegyereza okushuuruurwa kwa Mukama waitu Yesu Kristo;”*

6. Shoma Luka 11:13. Kworabe otakabatizibwe n'Omwoyo Orikwera, oina kukora ki hati?

Luka 11:13 *“Imwe ku muraabe nimumanya kuha abaana baanyu ebiconco ebirungi, haza muri babi, mbwenu Shoimwe w'omu iguru tarikizaho kuha Omwoyo Orikwera abo abamushaba?”*

7. Shoma Ebyakozirwe 2:4. Noija kushaba, nokugamba, noramya Ruhanga omururimi Ruhanga orwarikukuha?

Ebyakozirwe 2:4 *“Boona baijura Omwoyo Orikwera, baatandika kugamba endimi ezindi, nk'oku Omwoyo yaabahaire kuzigamba,”*

EBY'OKUGARUKAMU

1. Shoborora ebimwe aha bigambo ebi baibuli ebyerikukozesa yaba negamba ahakujunwa. **Okuzaarwa obwa kabiri (Yohaana 3:3), okuhinduka (Ebyakozirwe Entumwa 3:19), okwikiriza kandi okubatizibwa (Mako 16:16), kutusaasira eby'okushisha (Abakolosai 2:13), kutunga Omwoyo wa Kristo (Baruumi 8:9) kandi n'amagara gatahwaho, (Matayo 25:46).**
2. Ebyakozirwe 11:15 Omushororongo ogu nigushoborora guta nenki ekirikubaho omu kubatizibwa n'Omwoyo Orikwera?
Omwoyo Orikwera yashuma aha muntu.
3. Abeegi ba Yesu bakatunga Omwoyo Orikwera (Yohaana 20:22) kwonka bwanyima y'ebiro bikye babatizibwa n'Omwoyo Orikwera (Ebyakozirwe 2:1-4.) shoma kandi ogyeranise ebihandiikirwe ebi.
Omuri Yohaana 20:22 abeegi bakatunga Omwoyo Orikwera, kwonka omu Ebyakozirwe 2:1-4, abeegi nibo bamwe abaijuzibwe (kubatizibwa omunda naheeru) Omwoyo Orikwera.
4. Shoma Ebyakozirwe 1:8. Okubatizibwa n'Omwoyo Orikwera nekyamugashoki?
Omukubatizibwa nituheebwa amaani gokuhereza nari kuha obujurizi.
5. Shoma Ebyakozirwe 2:38-39 na 1 Abakorinso 1:7. Okubatizibwa n'Omwoyo Orikwera nokweitu hati?
Eego.
6. Shoma Luka 11:13. Kworabe otakabatizibwe n'Omwoyo Orikwera, oina kukora ki hati?
Kushaba.
7. Shoma Ebyakozirwe 2:4. Noiya kushaba, nokugamba, noramya Ruhanga omururimi Ruhanga orwarikukuha?
Eego ninyija kugamba, kwonka Omwoyo Orikwera naija kumpa orurimi.

EISHOMO 16

EMIGASHO ERI OMUKUGAMBA ENDIIMI

Nebya Andrew Wommack

Kimwe ahabintu ebyabeireho obw'okubatizibwa n'Omwoyo Orikwera yabandize kwija, kikaba kiri abantu boona ababaire bariho bakagamba omundimi. Ebyakozirwe 2:4, negira ngu aha eizooba rya pentekoti bakijuzibwa Omwoyo Orikwera, kandi bagamba omundimi ezindi nkoku Omwoyo yabaire abaha kugamba. Kuturikugumizamu kushoma omu kitabo ky'Ebyakozirwe, nitureba kuhabeire hariho okushururwa kwokubaho kwa Ruhanga abantu baheeza kutunga Omwoyo Orikwera.

Neky'amazima hariho bingi ebikwatirine n'Omwoyo Orikwera oyihireho okugamba omundimi, kwonka okugamba omundimi nikimwe ahabikuru. 1 Abakorinso 14:13-14 negira eti, *"N'ahabw'ekyo orikugamba "orurimi", ashabe kuheebwa okurushoboorora. [14] Ahakuba ku mba ninshaba omu "rurimi", omwoyo gwangye gushaba, kwonka obwengye bwangye tibugira ki bukora,"* Kworikushaba omu endimi, omwoyo wawe aba nashaba. Kworagambe omu ndimi, shaba Mukama obaase kuzihindura obwe ngu okwetegyereza kwawe kugire ebyana.

Kambahe obujurizi bwangye obunabatizibwa n'Omwoyo Orikwera, nkatadika kugamba omu ndimi, kakahindura amagara gagye munonga. Ninyikiriza kunajunirwe, Kristo akaija yatandika kutuura omurinye kandi yampa buri kimwe, nkwonka Omwoyo kuyanshumireho, yatandiika kushururirwa ahari nyowe n'abandi bantu. Hariho ebintu bingi ebyabireho. Omumwaka ogwokubanza kushaba omundimi, omutwe gwangye natekateka ngu nagwa eiraro, byona ebindikukora ninshisha obwire. Kikantwarira okwikiriza kushaba omundimi, eki nikyo Yuda 1:20 ekyarikugamba ngu mweyombekye aha musingi gw'okwikiriza kwanyu. Nikikwiha ahantekateka yo'obuhangwa, kikuteka omu kwikiriza kw'obwa Ruhanga.

Ekintu ekindi ekyambeireho kunashabire omundimi, hariho abantu abinabaire mazire emyaka miingi ntarikutekatekaho nkabajuka. Nkatadika kubashabira kandi omu biro bikye batandika kumanyisa ngu haine ekyokutangaza ekibaireho omu magara gaabo. Eki kikabaho emirundi mingi obwe natandika okubigaita hamwe nayetegyereza ngu kundikushaba omundimi, nimba ninshaba n'amagyezi agarikukira okwetegyereza kwangye. Omwoyo wangye arikumanya byona kandi oine entekateka ya Kristo niwe yabaire nashabira abantu omu miringo eyinabaire ntakubasize kukora kurugirira omukwetegyereza kwangye nk omuntu.

Rumwe nkaba ninshaba omundimi – nkoku naba nagambire ngu kikantwarira okwikiriza kushaba omundimi – kandi nkaba nindwana nebitekateko byangye, "okabaire nogamba omurujungu oineho nekyokukora, kwonka hati ebyoriyo nogamba tibirikukora makuru," Nkaba nyine kwanga kuhurikiriza ebitekateko ebyo, nkagumizamu ninshaba. Omushaija owunabaire mazire emyaka ntarebire akateera kodi aha rwigirangye. Akatahamu, tarandamukize nari kugira ekiyagamba kyona, yashutama yatandika kurira

ahabwokuba akaba aine ebizibu byingi ebyabaire nibimuteganisa. Nanye nkashutama natekateka, “Oh mwana, nkabaire ninshabira omurujungu,” Ekitekateko ekyankurasireho ni, “nkabasize nta kumushabira kandi obwe mazire emyaka ena ntamurebire?” nabwanyima kikanyizira ngu mbaire ninshaba kandi Ruhanga abaire nantekateka. Nkaba nimushabira omu muringo oguntakabasize kumushabira kurinabaire ninshaba nokwetegyerza kwangye. Amangu ago, natunga okushurururwa namugira nti, “nimbaasa kukugambira ekizibu kyawe ekyorikurabamu,” Nkamushobororera ekizibu kye kandi namuha ekyokugarukamu.

Oyiine kwetegyereza ngu eki kikabaho nkiri omu kanisa yabantu baigi. Taramanyire gye ekyambaireho kandi nanye nkaba ntakumanya gye nenki, twena kikatukanga. Kwonka gakaba gari amaani ga Ruhanga garikushururwa, kandi yagakozeza omu muringo ogutari gw’butosha. Ekyo nikyo kirikumanyisa: kworikushaba omundimi. Omwoyo wawe niwe arikuba nashaba. Omwoyo wawe niwe ajunirwe, aine ebitekateko bya Kristo, kandi namanyira kimwe eky’okukora. Oine amajuta goona agarikuruga ahari Ruhanga agarikukubasisa kumanya ebintu byoona, kandi tihariho bukomo omu mwoyo wawe. Kurinogira nogyendera omu maani, n’okushururwa okwa mwoyo wawe, nikija kuhindura amagara gawe. Omuringo gumwe ogworikubaasa kukora ekyo n’okutandika kugamba omundimi. Okyetegyereze kandi oikirize ngu kworakore ekyo noba noyeyombeka aha musingi gw’okwikiriza kwawe, ngu omwoyo wawe naba nashaba ebisherekirwe omu magyezi ga Ruhanga, kandi n’okushurururwa kwa Ruhanga kuriyo nikwija omuri iwe. Okurugirira omu kitabo kya 1 Abakorinso 14:13, oshabe ngu obaase kukihindura. Ekyo tikirikumanyisa ngu oine kurekyeraho kushaba omu ndimi, oshabe omu rurimi rwawe orworikubaasa kuhindura; ninkimanyisa ngu okwetegyereza kwawe kube okwomugasho.

Kuri nogira ngu n’oburira omu ndimi omu kanisa, oine okwemerera okahindura omu rurimi orubarikwetegyereza. Kworikuba noshaba wenka, nyowe enkindikukora ninshaba omu ndimi kandi nyesiga ngu Ruhanga naija kumpa okushurururwa. Obundi entekateka yangye ehinduka. Tindikuba nyine ekigambo kiri aho, kwonka ahonaho nindeba kurungi ebintu kandi ntuga ekishushani ekisya ekindi. Nikibaasa kutwara wiiki yoona ntatugire okushukururwa, kwonka ninyikiriza omwanya ogundikumara ninshaba omu ndimi kandi nyikiriza ngu obwiire obunamara ninshaba omu ndimi kandi ninyikiriza ngu okuhindura nekicweka ahari ekyo.

Okugamba omu ndimi nikikuru ahabwa enshonga nyingi, okukira okuhamya ngu watunga Omwoyo Orikwera. Kishemerire kuba ekicweka eky’amagara gawe. Nigwo muringo ogworikubaasa kukozeza kugamba na tataitwe, Orikwehuzya ebitekateko byawe ebyiine okubanganisa n’okutiina. Nikikwombeka aha musingi gw’okwikiriza kwawe kandi kushumurura amagezi ga Ruhanga agherekire. Ninshaba ngu mweena mubaase kutamburira omury’eki, shumurira okwikiriza, otungye oburungi obwijwire oburi omukugamba omu ndimi.

EBIBUZO EBY'ABEEGI

1. Shoma Yuda 1:20. Ni mugasho ki mukuru oguri omukushaba omu mwoyo Orikwera?

Yuda 1:20 *“Kwonka imwe, abarikukundwa, mweyombekye aha musingi gw'okwikiriza kwanyu okurikwera munonga; mushabe omu Mwoyo Orikwera,”*

2. Shoma Ebyakozirwe 2:4 Abantu abaijuzibwe Omwoyo Orikwera bakaba bari bangahi?

Ebyakozirwe 2:4 *“Boona baijura Omwoyo Orikwera, baatandika kugamba endimi ezindi, nk'oku Omwoyo yaabahaire kuzigamba,”*

3. Shoma Ebyakozirwe 2:4. Bakakora ki ku baijuzibwe Omwoyo Orikwera?

4. Shoma 1 Abakorinso 14:14. Kwokuba noshaba omu ndimi, nikicweka ki ekyawe ekirikuba nikishaba omu ndimi ez'otakumanya?

1 Abakorinso 14:14 *“Ahakuba ku mba ninshaba omu “rurimi”, omwoyo gwangye gushaba, kwonka obwengye bwangye tibugira ki bukora,”*

5. Shoma 1 Abakorinso 14:2. Omuntu kwakuba nagamba omu ndimi naaba nagamba noha?

1 Abakorinso 14:2 *“Orikugamba “orurimi”naaba atarikugambira bantu, kureka Ruhanga; ahabw'okuba tihaine orikubishoborokyerwa; kwonka we Omwoyo naaba naamugambisa enaama,”*

6. Shoma 1 Abakorinso 14:2. Omuntu kwarikuba nagamba omu ndimi, abantu nibetegyereza abyarikugamba?

7. Shoma 1 Abakorinso 14:2. Kworikuba noshaba omu ndimi Omwoyo wawe naba nagamba ki?

8. Shoma 1 Abakorinso 14:4. Kworikushaba omu rurimi oba nokora ki?

1 Abakorinso 14:4 *“Orikugamba “orurimi”naaba naayeyombeka wenka; kwonka orikubuurira naaba naayombeka ekanisa,”*

9. Shoma 1 Abakorinso 14:16. Kworikushaba omu rurimi, oba nokora ki?

1 Abakorinso 14:16 *“Ku oriba otatwarize otyo, haza waashabira omugisha omu Mwoyo wenka, omuntu ori aha rubaju rw'abatarikwetegyereza, aryaikiriza ata ati: Amiina, waaheza kusiima, haza we ataamanya ki waagamba?”*

EBY'OKUGARUKAMU

1. Shoma Yuda 1:20. Ni mugasho ki mukuru oguri omukushaba omu mwoyo Orikwera?
Tuba nitweyombeka.
2. Shoma Ebyakozirwe 2:4 Abantu abaijuzibwe Omwoyo Orikwera bakaba bari bangahi?
Boona bakaijuzibwa.
3. Shoma Ebyakozirwe 2:4. Bakakora ki ku baijuzibwe Omwoyo Orikwera?
Bakagamba omu ndimi.
4. Shoma 1 Abakorinso 14:14. Kwokuba noshaba omu ndimi, nikicweka ki ekyawe ekirikuba nikishaba omu ndimi ez'otakumanya?
Omwoyo wawe niwe akuba nashaba.
5. Shoma 1 Abakorinso 14:2. Omuntu kwakuba nagamba omu ndimi naaba nagamba noha?
Naaba nagamba na Ruhanga.
6. Shoma 1 Abakorinso 14:2. Omuntu kwarikuba nagamba omu ndimi, abantu nibetegyereza abyarikugamba?
Ngaaha.
7. Shoma 1 Abakorinso 14:2. Kworikuba noshaba omu ndimi Omwoyo wawe naba nagamba ki?
Naaba nashaba ebyomubonano, ebintu ebyenama ebiri hamwe nanye na Ruhanga.
8. Shoma 1 Abakorinso 14:4. Kworikushaba omu rurimi oba nokora ki?
Noba noyeyombeka wenka.
9. Shoma 1 Abakorinso 14:16. Kworikushaba omu rurimi, oba nokora ki?
Noba nohimbisa kandi noyebaza Ruhanga.